

義

縣

志

五



五	卷中	第
志	續	七
	宜	冊

133528

宦績志

義縣志申卷

題官績志第五

義古幽州之隅秦漢以來屬遼東屬遼西秦為郡守治漢為太守治又為西部都尉治

安帝時改為遼東屬國都尉治三國魏晉仍屬太守治其治績載在史冊者殊可考溯

至東晉則慕容氏都棘城備僚屬官績尤有可徵若魏齊隋唐之營州刺史都督吾邑

屬之故連類誌其官績迨及遼興專建州曰宜置軍曰崇義司以節度名是為吾邑有

官之始宦績更不可漠然置之宦因績見績以宦傳文有文治武有武功關於軍事民

事之丕績代不乏人或為統治之大員如金特加暉元木華黎明李成梁王銘等或為親治之有司凡有功德於

民者邑人咸被其澤况自節度而外於遼則有五州制置二州刺史遼西北金則有縣令弘治

開義同昌知鎮金置饒慶鎮隸開義元則有總管觀察知州至明而節度罷則有分巡參戎錦義右及遊戚家路

守團山等堡守備把太平堡備大清堡並指揮義後二衛千百戶義後二衛之屬清則分尉州城守尉兩治民國

改設行政司法其間宦吾邑者或績關國計或績繫民生官無大小有善必錄從公論

也惟遼至今歷千有餘年宦績之埋沒失傳第勿深考徵之歷史參以舊聞強而記之

留為後人之取法焉志宦績十七年一月一號鶴識

留後發人之舉也

亦新法也

尤為百官所道其間百官皆各執其職

其間百官皆各執其職

其間百官皆各執其職

其間百官皆各執其職

其間百官皆各執其職

其間百官皆各執其職

其間百官皆各執其職

其間百官皆各執其職

其間百官皆各執其職

其間百官皆各執其職

其間百官皆各執其職



義縣志中卷

官績志

目次

歷代官績

漢共一名

甘延壽

東漢共十四名

祭彤

耿夔

蔡諷

陳禪

龐參

馮緄

种嵩

度尙

公孫度

公沙穆

段熲

公孫瓚

趙苞

耿曄

三國魏共一名

張邈

晉共二十三名

封奕

陽鶩

陽裕

高詡

黃泓

韓恒

鮮于亮

皇甫真

李洪

高開

封裕

韓壽

裴嶷

劉翔

游邃

裴開

皇甫岌

宋該

劉瓚

逢羨

張統

陽耽

劉佩

北魏共四名

張偉

盧同

安豐王猛

于洛拔

北齊共二名

王峻

高保寧

隋共一名

韋冲

唐共六名

張儉

程名振

李晦

朱慶禮

李謹行

王元志

遼共三名

韓德凝

劉伸

韓慶民

金共十名

赤蓋暉

伯德特爾補

移刺溫

高松

瑤里孛迭

馬惠迪

奧屯襄

伯德梅和尙

闍母

傅霖

元共四名

木華黎

移刺捏兒

王珣

王榮祖

明共三十四名

許進

韓璫

許達

王懋中

王舜漁

傅霖

翟繡裳

李貢

馮時泰

施聚

韓斌

王錯

李英

王銘

韓輔

郭振

崔勝

胡忠

高雲

蕭滓

趙國忠

賀世賢

張用和

何浩

楚勇

史有容

韓璽

王翱

楊照

李成梁

常遇春

麻貴

董一元

李化龍

清共二十九名

俞定

辛珠

王枝培

胡世仁

徐之寬

金廷掄

張長庚

李聖贊

董履坦



李文森

金懷忠

崇光

徐慶璋

福培

陳塔

陳榮昌

陳陽春

金熙葆

陶應潤

陳宗楸

鄭錫華

姜有筠

潘增綬

高欽

周冕

朱慶瀾

馬俊顯

汝作枚

奉恩

附載清名宦事績涉及義州者二十人

鄂穆克圖

杜度

武賴

博洛

豪格

覺善

沙爾瑚達

趙國祚

楊古利

索歡

扈爾碩

錫爾度

翁愛

伊勒都齊

昂錦

勞翰

岳託

多鐸

文祥

周冕

文祥

民國官績共四名

裴煥星

趙興德

濮良至

孫維善

目錄終

義縣志中卷

宦績志

歷代

漢

甘延壽 遼東太守

少良家子善騎射嘗超距踰羽林亭樓由是遷為郎累遷至遼東太守車騎將軍有治

行 乾隆盛京志名宦一

右漢宦績 共一名

東漢

祭彤 遼東太守

建武十七年拜遼東太守時匈奴鮮卑及赤山烏桓連和強盛數入塞殺掠士民彤厲兵馬廣斥埃寇至數破走之二十一年秋鮮卑萬餘騎寇遼東彤率數千人迎擊之自被甲陷陣斬首三千餘級獲馬數千匹鮮卑震怖不敢復窺塞彤乃離其黨與撫以恩信威聲暢於北方西自武威東盡元菟及樂浪皆來內附野無風塵悉罷緣邊屯兵彤在遼東幾三十年衣無兼副顯宗徵為太僕及卒烏桓鮮卑追思無已每朝賀京師過

冢拜謁號泣乃去遼東吏人爲立祠四時奉祭焉乾隆盛京志名宦一

耿夔遼東太守

耿國次子少有氣決以功封粟邑侯遷遼東太守自治績和帝元興元年貊人寇郡界

夔追斬其渠帥南單于叛夔率鮮卑及諸部兵追至屬國故城迎擊破之遷行度遼將

軍事安帝建光中拜度遼將軍乾隆盛京志名宦一

蔡諷遼東太守

拜遼東太守元初五年高句麗王宮與濊貊寇元菟攻華麗城諷與元菟太守姚光擊

破之夏高句麗復與鮮卑入寇攻遼隊諷追擊於新昌戰歿功曹耿耗兵曹掾龍瑞兵

馬掾公孫輔以身扞諷俱歿於陣乾隆盛京志名宦一

陳禪遼東太守

安帝永寧元年轉元菟侯城障尉拜遼東太守時邊人畏其威強北寇入邊禪不加兵

但使吏卒往曉諭之單于隨使還郡禪於學行禮爲說道義以感化之懷服而去乾隆盛京志名

一宦

龐參遼東太守

河南尹龐奮舉爲孝兼歷官遼東太守恩信大著後遷度遼將軍乾隆盛京志名宦一



馮 緄 遼東太守

緄父煥前在安帝時為幽州刺史疾惡致罰時元菟太守姚光亦失人和建光初怨者詐作璽書譴責煥光下遼東都尉龐奮使速行刑奮即斬光收煥煥欲自殺緄疑詔文有異止之煥乃上書自訟果詐者所為徵奮抵罪而煥已歿帝愍之賜煥光錢各十萬以子為郎中緄由是知名順帝時鮮卑寇邊以緄為遼東太守曉諭降集寇皆弭服邊

陲以安

乾隆盛京志名宦一

種 嵩

遼東太守

舉孝廉順帝時遷遼東太守有政聲烏桓望風率服迎拜界上

乾隆盛京志名宦一

度 尙

遼東太守

桓帝時為遼東太守數月鮮卑率兵來攻尙與戰破之邊人懼遠近綏寧延熹九年

卒於官

乾隆盛京志名宦一

公孫度

遼東太守

初為冀州刺史以謠言免中郎將徐榮與度同郡薦為遼東太守度到官以法誅滅郡

中名豪大姓百餘家郡中震慄乃東伐高句麗西擊烏桓謂所親史柳

魯展禽食采柳下其後因為氏 毅

陽儀等曰漢祚將絕當與諸卿圖王耳于是分遼東為遼西中遼郡

安帝時分遼東遼西二郡地為遼東屬國度復

分之各置太守越海收東萊諸縣置營州舜分青州為營州遼東本青州地故度以為名刺史自立為遼東侯平川取郡治襄

平為名地在今奉天府遼陽州牧通鑑輯覽卷二十六

公沙穆遼東屬國都尉

習韓詩公羊春秋尤銳思河洛推步之術舉孝廉桓帝永壽時累遷至遼東屬國都尉

善得吏人歡心卒於官乾隆盛京志名宦一

段頴遼東屬國都尉

舉孝廉桓帝時遷遼東屬國都尉時鮮卑犯塞頴率所領馳擊恐賊驚去乃使驛騎詐

齎璽書詔頴頴偽退設伏敵以為信入追頴頴縱兵大破之在邊十餘年秋毫不累民

與將士同甘苦未嘗一日薳寢故所向有功乾隆盛京志名宦一

公孫瓚遼東屬國長史

舉孝廉靈帝時除遼東屬國長史嘗從數十騎出塞見鮮卑數百騎瓚乃退入空亭中

約從騎曰彼衆十倍於我今不衝之則死盡矣乃自持矛兩頭施刃馳殺數十人寇遁

去憚其勇健不敢犯邊後以功封都亭侯乾隆盛京志名宦一

趙苞遼西太守

舉孝廉為遼西太守抗厲威嚴名振邊俗遣使迎母及妻子道經柳城值鮮卑入塞劫

苞母以擊郡苞督兵禦之賊出母示苞苞號謂母曰爲子無狀本欲以微祿養不圖爲母作禍今不得顧私恩毀忠節母遙謂曰人各有命何得相顧以虧忠義即進戰賊悉摧破母妻皆爲所害事平封苞爲郈侯苞歸葬訖謂鄉人曰食祿而避難非忠也殺母以全義非孝也如是何面目立於天下遂嘔血而死

乾隆盛京志名官一

耿

曄 烏桓校尉

字季遇耿恭之孫也順帝時爲烏桓校尉破敵有功鮮卑震怖數萬人赴遼東降及敵寇遼東屬國曄移屯無慮城以拒之威振北方後遷度遼將軍

乾隆盛京志名官一

右東漢宦績 共十四名

三國魏

張

邈 遼東太守

爲遼東太守著自然好學論爲人有遠識吏民懷之

乾隆盛京志名官一

右三國魏宦績 共一名

晉

封

奕 字子專渤海修人也

祖釋疾屬于慕容廆釋卒廆以爲軍諮祭酒軍國機要悉委之討鮮卑木提于白狼全

柳城遷右司馬尋擊宇文逸豆歸大獲而還進鎮軍左長史遂與諸將佐勸凱稱燕王奕進位相國封武平侯討平冉閔在相位十五年政務之暇留心講論接引後進如不及喜怒不形于色儁即帝位進爲太尉領中書監復十餘年遂爲定策元勳及暉之世欲徙龍城宗廟社稷及所留百官家屬必得耆德大臣迎之乃遣奕與侍中慕輿龍往既至暉親率羣臣謁於道左奕以暉建熙六年卒諡曰匡公

十六國春秋前燕錄

陽

鷲字士秋右北平無終人也

父耽爲遼西太守母李氏博學有母儀凱常升堂拜之鷲少好學器識沉遠起家爲平州別駕屢獻安時強國之策及凱即位遷左長史東西征伐參謀帷幄封建寧公凱臨終謂儁曰陽士秋志行高潔忠幹貞固可託大事汝善待之儁將圖中原鷲制勝之功亞於太原王恪暉既嗣立申師傅之禮親遇日隆及爲太尉固求罷職不許歷事四朝年耆望重自太原王恪以下皆禮拜之而謙恭謹厚過於少時子孫朱紫羅列無敢違犯其法度者性尤儉約好施不倦常乘弊車瘠牛卒無殮財人士莫不痛惜之諡曰敬

十六國春秋前燕錄

陽裕

字士倫鷲從弟少孤兄弟早亡宗族無能識者惟叔父耽奇之曰此兒非惟吾門之標



秀乃佐時之良器也石勒克薊城欲任之裕微服潛遁令支歷事段氏五主甚見親重其後段遼與皝相攻裕諫不從出爲燕郡太守北平相及石虎攻遼長驅入薊裕帥其民數千家登燕山自固諸將急欲攻之虎曰裕儒生矜惜名節恥於迎降耳無能爲也既克令支裕詣軍門降拜北平太守徵爲尙書左丞段遼之請迎於虎也以左丞爲征東將軍麻秋司馬秋敗裕爲皝軍所執皝素聞裕名命釋其囚拜郎中令遷大將軍左司馬東破高句驪北滅宇文逸豆歸皆預其謀及遷都龍城城池宮闕規模皆裕制性謙恭清儉剛簡慈篤歷居朝端有若布衣士大夫流亡羈絕者莫不經營收葬存卹孤遺士無賢不肖皆傾身以待之是以所在推仰范陽盧諶每日吾及晉之清平歷觀朝士如陽士倫者實亦未幾也及死皝甚悼之比葬三臨時年六十一

十六國秋  
春前燕祿

高

詡

遼東人

永嘉末避地隱居建武初庖自稱大單于詡杖策見之曰霸王之資非義不濟今晉室雖微人心猶附宜遣使江東示有所尊然後仗大義以征諸部誰敢不從庖善之拜爲郎中令詡嗣立遷元菟太守以平征虜仁功封汝陰侯轉左長史詡善天文及謀伐宇文逸豆歸詡進曰宇文強盛今不取必爲國患伐之必然不利於將出而告人曰吾往必不返然忠臣不避也將發不見其妻使人語以家事而行逸豆歸果大敗身爲流矢

所中卒

十六國春秋前燕錄

黃

泓 字始長廬江人也一作魏郡斥邱人

父沉善天文秘術泓受父業精妙逾深博覽經史尤明禮易性甚忠勤永嘉末避地於薊率宗族歸虜虜待以客禮引爲參軍軍國之務輒咨之泓止說成敗事皆如言虜常曰黃參軍國之仲翔也及黜嗣位遷左常侍領史官石虎率衆來攻黜將走遼東泓曰賊有敗氣無憂也不過二日必奔潰宜嚴勒士馬爲追擊之備及期果退黜益奇之儻即王位遷從事中郎及僭僞號署爲進謀將軍太史令關內侯尋加奉車都尉西海太守領太史令開陽亭侯進封平舒縣五等伯常從左右諮決大事靈臺令許敦害其寵泓待敦彌厚不以毀已易心瞭敗以老歸家歎曰燕必中興其在吳矣恨吾年過不及見耳九十七卒後三年吳王垂果以興焉

十六國春秋前燕錄

韓

恒 字景山灌津人也一作安平人

父默以學行顯名恒年十歲能屬文同郡張載奇之曰王佐才也身八尺一寸博覽經籍無所不通永嘉末避地遼東依於崔毖虜既逐毖恒徙於棘城召見與語悅之拜參軍事咸和中宋該等表請虜爲大將軍燕王之號下羣僚博議咸以爲宜恒駁曰立功者患信義不著不患名位不高且要君以求寵爵者非爲臣之義也虜頗不平之出爲

新昌令遷營邱太守政化大行僞既僭號將定五行次羣議以爲燕宜承晉爲水德恒時疾在龍城乃召決之既至言於僞曰大燕王迹始於震於易震爲青龍受命之初有龍見於都邑城龍爲木德幽契之符也秘書監聶然聞恒言歎曰不有君子國何以興

其韓令君之謂乎

十六國春秋前燕錄

鮮于亮

范陽人也

初仕石虎爲別將與麻秋帥衆迎段遼太原王恪擊敗之亮失馬步緣山不能進因止端坐恪兵環之叱令起亮曰汝曹能殺亟殺不能則去儀觀豐偉聲氣壯厲燕兵憚之不敢殺以白毳毼命以馬迎之與語大悅拜爲左常侍後毼自率大衆征高句驪亮言於毼曰臣以俘虜蒙王國士之恩不可以不報今日願效死前驅遂與數十騎先犯高句驪陣所向摧潰僞旣嗣立復以前鋒將軍伐趙攻拔薊城陷陣先登威名顯著以功遷揚威將軍歷章武齊郡二郡太守

十六國春秋前燕錄

皇甫眞

字楚季安定朝那人

兄岌晉東夷校尉崔愨請爲長史終莫能致庖招之即至與眞並任居樞要眞更弱冠高才毼嗣立遷平州別駕時百姓勞瘁眞議欲寬減賦稅休養力役不合旨免官後以破麻秋功拜奉車都尉守遼東營邱二郡皆有善政及僞即位入爲典書令從恪等討

擒冉閔南拔鄴都城內珍寶充溢真一無所取惟存恤人物收斂圖籍而已儁臨終真與恪等俱受顧命累遷太尉侍中苻堅密謀併燕命西戎主簿郭辦潛結匈奴左賢王遣使朝貢辦因爲之副還爲堅言燕朝政無綱紀實可圖也鑒機識變惟皇甫真耳真性清儉寡慾不營產業飲酒至石餘不亂雅好爲文凡著詩賦四十餘篇王猛入鄴真從堅入關爲奉車都尉奉朝請數歲卒

十六國春秋前燕錄

李

洪平陽人也

初受王浚假署爲雍州刺史後歸魏仕爲大理歷內史右司馬石虎攻棘城洪弟普勸洪出避禍洪曰天道幽遠人事難知且當委任勿輕動以取悔普固請不已洪曰卿意見明審當自行之吾受慕容氏恩當效死於此耳與普流涕而訣普遂降虎從虎南歸死于喪亂洪由是以忠篤著名從儁攻鄧恒于魯口出屯高冢慕容根擊恒部將鹿勃早洪徐整騎隊助之俘斬甚衆暉立轉龍驤將軍進位司空王猛克鄴隨暉入長安拜

駙馬都尉奉朝請卒

十六國春秋前燕錄

高

開渤海蓆人也

父瞻永嘉末北依崔恣密謀伐虜瞻固諫不從及恣奔瞻隨衆降虜署爲將軍稱疾不赴卒開仕儁爲昌黎太守時土豪封放與趙故太尉劉準聚衆自守儁遣開討之至



渤海準放迎降遂署爲幕府參軍從太原王恪征冉閔于襄國閔多步卒說恪以誘致平地擊之閔遂敗走開被重創而卒弟商剛毅嚴重好學有事幹爲儁范陽太守兄開戰歿悲哭嘔血扶杖乃行儁召見之商涕泣不勝儁顧謂左右曰自古友于之愛未有如商者也即曰拜昌黎太守商泣辭曰臣兄亡于此郡臣故不忍爲之愍而改授遼西

十六國春秋前燕錄

封裕

仕前燕慕容皝爲記室永和元年皝以牧牛給貧家使佃苑中公收其八二分入私自  
有牛而無地者公收其七三分入私記室裕諫皝乃下令賜錢五萬宣示中外

十六國春秋前燕錄

韓壽

遼東人

太興二年宇文悉獨官率衆逼城壽言于虜曰悉獨官將驕卒肆若奇兵猝起倚其無備必破之策也乃出兵大戰遂敗之四年虜備置僚屬以壽爲別駕皝即王位以爲司馬復兼左長史八年伐高句驪壽斬其將阿佛和度加諸軍乘勝追之遂入丸都

十六國春秋前

燕錄

裴

嶷

字丈冀河東聞喜人

嶷清方有幹略慕容廆以爲謀主初嶷兄武爲元菟太守卒嶷與武子開以其喪歸過



虜虜敬禮之行及遼西道不通疑欲還開曰等爲流寓段氏強慕容氏弱何必去此而就彼也疑曰欲求託足之地豈可不慎擇其人汝觀諸段豈有遠略且能待國士乎慕容公修仁行義有霸王之治加以國豐民安今往從之高可以立功名下可以庇宗族汝何疑焉既至虜大喜晉元帝太興元年以虜爲龍驤將軍大單于虜命長史游邃創朝議疑曰晉室衰微介居江表中原之亂非明公不能拯也今諸部雖各擁兵然皆頑愚相聚宜以漸并取爲西討之資虜以爲長史委以君國之謀二年虜取遼東遣疑獻捷疑至建康盛稱虜德威賢雋皆爲之用朝廷始重之帝欲留疑疑曰臣少蒙國恩出入省闈若得復奉輦轂臣之至榮但以舊京淪沒山陵穿毀名臣宿將莫能雪恥獨龍驤竭忠王室故使臣萬里歸誠今臣不返必謂朝廷以其僻陋而棄之孤其嚮義之心使懈於討賊此臣之所甚惜也帝然之遣使隨疑拜虜安北將軍平州刺史虜謂羣僚曰裴長史名重中朝而降屈於此豈非天以授孤也出爲遼東相轉樂浪太守

名臣言行錄卷

八前  
燕

劉翔

孰雖稱燕王未有朝命乃遣其長史劉翔獻捷京師兼言權假之意并請討平中原成帝咸康七年至建康帝問慕容鎮軍平安對曰臣受遣之日朝服拜章翔爲孰求大將

軍燕王章璽朝議以爲異姓不封王翔曰自劉石構亂長江以北剪爲戎藪未聞中華公卿之胄有能摧破凶逆者也獨慕容鎮軍心存本朝屢殄強敵使石虎畏懼蹙國千里功烈如此而惜海北之地不以爲封邑何哉吾非苟尊所事竊惜聖朝疏忠義之國使四海無所勸慕耳尙書諸葛恢獨主異議翔曰嫠婦猶知恤宗周之隕今晉室阽危君位侔元凱曾無憂國之心慕容鎮軍枕戈待旦志殄凶逆而君更倡邪惑之言四海所以不一良由君輩耳歲餘議乃決以孰爲大將軍幽州牧大單于燕王以翔爲代郡太守固辭不受翔疾江南士大夫以驕奢酣縱相尙嘗因宴集謂何充等曰四海板蕩奄踰三紀宗社爲墟黎民塗炭斯乃廟堂焦慮之時忠臣畢命之秋也而諸軍宴安江沱肆情縱欲以奢靡爲榮以傲誕爲賢謬諛之言不聞征伐之功不立將何以尊主濟民乎充等甚慙乃遣使持節册命與翔偕北公卿餞之翔曰昔少康資一旅以滅有窮句踐憑會稽以報強吳蔓草猶蚤除况寇讐乎今石虎李壽志相吞噬王師縱未能澄清北方且當從事巴蜀一旦石虎先人舉事併壽而有之據形便之地以臨東南雖有智者不能善其後矣

名臣言行錄  
卷八前燕

游

遼

廣平人

與逢羨宋爽皆嘗爲昌黎太守時晉室衰亂初避地於薊後徙寓遼東仕虜爲龍驤長

史創定朝議乾隆盛京志卷九十流寓

裴開字士先河東聞喜人

與其叔嶷同歸慕容廆開才略深遠仕至軍諮祭酒乾隆盛京志卷九十流寓

皇甫岌安定朝那人

與弟真俱寓遼東廆皆擢用之並以文章才儁任居樞要乾隆盛京志卷九十流寓

宋該字宏宣平原人

與同郡劉翔杜羣先依王浚又依段氏皆以為不足託率諸流寓同歸於廆仕右長史

乾隆盛京志卷九十流寓

劉瓚字彥真平原人

經學該通性甚清真受業者常數百餘人寓遼東慕容廆重其學引為東庠祭酒慕容

皝帥國胄束修受業焉乾隆盛京志卷九十流寓

逢羨北海人

與北平西方虔蘭陵繆愷同時並寓遼東慕容廆引羨與虔俱為謀主愷以文章才俊

職任樞要乾隆盛京志卷九十流寓

張統遼東人

以樂浪帶方二城與高句驪主乙弗利相拒連年不解樂浪王遵說統歸虜虜爲之置  
樂浪郡以統爲太守遵參軍事後高句驪將如奴子據河城寇掠遼東統掩擊擒之

乾隆

盛京志卷五十八  
歷朝人物一

陽 耽 北平無終人

清直端敏仕爲遼西太守慕容翰攻段氏於陽樂獲耽翰父虜甚敬禮之用爲謀主官

東夷校尉 錦西縣志卷三  
人物名宦二

劉 佩 河間人

仕燕爲元菟太守咸康四年趙王虎率衆至棘城耽懼形于色佩曰強寇在外衆心恟

懼事之安危係于一人大王此際當自強以厲將士今事急矣臣請出擊之縱無大捷

足以安衆乃將敢死數百騎出衝趙兵斬獲而還于是士氣百倍建元二年伐宇文逸

豆歸爲副前鋒克其都城中流矢卒 十六國春秋前燕錄

右晉宦績 共二十三名

北魏

張 偉 字仲業小名翠瑀太原中郡人也

高祖敏晉祕書監偉學通諸經講授鄉里受業者常數百人儒謹汎納勤于教訓雖有



頑固不曉問至數十偉告諭殷勤曾無愠色常依附經典教以孝悌門人感其仁化事之如父性恬平不以夷嶮易操清雅篤慎非法不言世祖時與高允等俱被辟命拜中書博士轉侍郎大將軍樂安王範從事中郎馮翊太守還仍爲中書侍郎本國大中正使酒泉慰勞沮渠無諱還遷散騎侍郎聘劉義隆還拜給事中建威將軍賜爵成臯子出爲平東將軍營州刺史進爵建安公卒贈征南將軍并州刺史諡曰康在州郡以仁德爲先不任刑罰清身率下宰守不敢爲非

魏書卷八十四列傳儒林第七十二

盧

同 字叔倫范陽涿人

盧玄之族孫父輔字顯元本州別駕同身長八尺容貌魁偉善於處世太和中起家北海王詳國常侍稍遷司空祭酒昌黎太守尋爲營州長史仍帶郡入除河南尹丞遷太尉屬會豫州城民白早生反都督中山王英尙書邢巒等討之詔同爲軍司事平除冀州鎮東府長史遭父憂解任後除司空諮議參軍兼司馬爲營構東宮都將延昌中秦州民反詔同兼通直常侍持節慰諭之多所降下還轉尙書右丞進號輔國將軍以父諱不拜改授龍驤熙平初轉左丞加征虜將軍時相州刺史奚康生徵民歲調皆七八十尺以邀奉公之譽部內患之同於歲祿官給長絹同乃舉按康生度外徵調書奏詔科康生之罪兼褒同在公之績肅宗世朝政稍衰人多竊冒軍功同閱吏部勳書因加



檢覆覈得竊階者三百餘人同乃表言竊見吏部勳簿多皆改換乃校中兵奏按竝復乖舛臣聊爾揀練已得三百餘人明知隱而未露者動有千數愚謂罪雖恩免猶須刊定請遣一都令史與令僕省事各一人總集吏部中兵二局勳簿對勾奏按若名級相應者即於黃素楷書大字具件階級數令本曹尙書以朱印印之明造兩通一關吏部一留兵局與奏按對掌進則防措洗之偽退則無改易之理後前以來勳書上省唯列姓名不載本屬致令竊濫之徒輕爲苟且今請征職白民具列本州郡縣三長之所其實官正職者亦列名貫別錄歷階仰本軍印記其上然後印縫各上所司統將都督竝皆印記然後列上行臺行臺關太尉太尉檢練精實乃始關刺省重究括然後奏申奏出之日黃素朱印關付吏部頃來非但偷階冒名改換勳簿而已或一階再取或易名受級凡如此者其人不少良由吏部無簿防塞失方何者吏部加階之後簿不注記錄此之故易生僥倖自今叙階之後名簿具注加補日月尙書印記然後付曹郎中別作抄自印記一如尙書郎中自掌遞代相付此制一行差止姦罔詔從之同又奏曰臣頃奏以黃素爲勳具注官名戶屬及吏部換勳之法事目三條已蒙旨許臣伏思黃素勳簿政可羸止姦僞然在軍虛詐猶未可盡請自今在軍閱簿之日行臺軍司監軍都督各名立文按處處記之斬首成一階已上即令給卷一紙之上當中大書起行臺統軍

位號勳人甲乙斬三賊及被傷成階已上亦具書於卷各盡一行當行豎裂其卷前後皆起年號日月破某處陳某官某勳印記爲驗一支付勳人一支付行臺記至京即送門下別函守錄又自遷都以來戎車屢捷所以征勳轉多叙不可盡者良由歲久生姦積年長僞巧吏階緣偷增遂甚請自今爲始諸有勳簿已經奏賞者即廣下遠近云某處勳判咸令知聞立格酬叙以三年爲斷其職人及出身限內悉令銓除實官及外號隨才加授庶使酬勳者速申立功者勸事不經久僥倖易息或遭窮難州無中正者不在此限又勳簿之法征還之日即應申送頃來行臺督將至京始造或一年二歲方上勳書姦僞之原實自由此於今以後軍還之日便通勳簿不聽隔月詔復依行元乂之廢靈太后也相州刺史中山王熙起兵於鄴熙敗以同爲持節兼黃門侍郎慰勞使乃就州刑熙還授平東將軍正黃門營明堂副將尋加撫軍將軍光祿大夫本州大中正同善事在位爲乂所親戮熙之日深窮黨與以希乂旨論者非之又給同羽林二十人以自防衛同兄琇少多大言常云公侯可致至此始爲都水使者同啓求回身二階以加琇琇遂除安州刺史論者稱之營州城民就德興謀反除同度支尙書黃門如故持節使營州慰勞聽以便宜從事同頻遣使人皆爲賊害乃遣賊家口三十人并免家奴爲良齋書諭德興德興乃降安輯其民而還德興復反詔同以本將軍爲幽州刺史兼

尚書行臺慰勞之同慮德興難信勒衆而往爲德興所擊大敗而還靈太后反政以同  
义黨除名孝昌三年除左將軍大中大夫兼左丞爲齊兗二州行臺節度大都督李叔  
仁闕莊帝踐祚詔復本秩除都官尚書復兼七兵以同前慰勞德興之功封章武縣開  
國伯邑四百戶正除七兵尋轉殿中加征南將軍普泰初除侍中進號驃騎將軍左光  
祿大夫同時久病彊牽從務啓乞儀同初同之爲黃門也與前廢帝俱在門下同異其  
爲人素相欵託廢帝以恩舊許之除儀同三司餘官如故永熙初薨年五十六贈侍中  
都督冀滄瀛三州諸軍事驃騎大將軍司空公冀州刺史開國伯如故賜帛四百匹諡  
曰孝穆三年復加贈尚書右僕射魏書卷七十六  
列傳第六十四

安豐王猛字季烈

太和五年封加侍中出爲和龍鎮都大將營州刺史寬仁雄毅甚有威略薨於州魏書  
本傳

于洛拔代人

以功臣子拜侍御中散擢領監御曹事出爲使持節散騎常侍寧東將軍和龍鎮都大

將營州刺史治有能名進號安東將軍魏書于  
栗禪傳

右北魏宦績共四名

北齊

王峻靈邱人

明悟有幹略累遷恒州大中正隨諸軍平淮陰賜爵北平縣男除營州刺史州地接邊城賊數為患峻遠設斥侯廣置疑兵常出其不意要擊之賊不敢發合境獲安先是刺史陸士茂詐殺室韋八百餘人朝貢遂絕至是峻分命將士要其行路室韋果至大破之虜其首帥而還因厚加恩禮放遣之室韋遂納誠款初茹茹主菴羅辰率其餘黨東徙峻度其必來預為之備未幾菴羅辰頓軍城西峻設奇伏大破之護其名王郁久閭豆拔提等數十人送京師菴羅辰遁走天統二年授驃騎大將軍儀同三司尋加開府武平初除侍中四年卒贈司空北齊書本傳

高保寧代人

武平末為營州刺史鎮黃龍周師將至鄴幽州行臺潘子晃徵黃龍兵保寧率驍銳并契丹靺鞨萬餘騎赴救至北平聞鄴郡不守周帝遣使招慰不受勅書范陽王紹信在突厥中上表勸進范陽署保寧為丞相及盧昌期據范陽城起兵保寧引紹信集兵數萬騎救之至潞河知周將宇文神舉已屠范陽還據黃龍竟不臣周北齊書高保寧傳

右北齊宦績共二名

隋



韋冲 京兆杜陵人

拜營州總管容貌都雅寬厚能得衆心懷撫靺鞨契丹皆能致其死力奚霫畏懼朝貢

相續 隋書韋世康傳

右隋宦績 共一名

唐

張儉 字師約京兆新豐人

以功除右衛郎將累遷營州都督兼護東夷校尉坐事免詔白衣領職營州部與契丹

奚霫靺鞨諸蕃接畛高麗引衆入寇儉兵破之俘斬畧盡復拜營州都督太宗將征遼

東遣儉率蕃兵先進畧地至遼西川漲久未度召還見洛陽宮陳水草美惡山川險易

并久不進狀帝悅拜行軍總管使領諸蕃騎爲六軍前鋒趨建安城破賊斬數千級封

驍威郡公 唐書本傳

程名振 洛州平恩人

高祖詔授永寧令使率兵經畧河北劉黑闥陷洛州母妻爲賊所得名振率衆邀擊糧

道悉毀賊水陸餉具黑闥怒殺其母妻賊平請手斬黑闥以其首祭母拜營州刺史封

東平郡公轉洛州刺史太宗征遼東拜右驍衛將軍平壤道行軍總管兼營州都督兼



東夷都護擊高麗於貴端水焚其新城歷晉蒲二州刺史鏤方道總管唐書程務挺傳

李晦

河間元王孝恭子乾封中為營州都督以治狀聞璽書勞賜遷右金吾將軍檢校雍州

長史摧摘奸伏無留隱吏下畏之高宗將幸洛詔晦居守謂曰關中事一以屬公故晦

治有異績新唐書河間元王孝恭傳

朱慶禮洛州永年人

開元中為貝州刺史河北度支營田使元宗欲復營州於柳城慶禮盛陳其利詔慶禮

等築城興役拜御史中丞兼檢校營州都督開屯田八十餘所數年間倉廩頗實居人

漸殷慶禮為政清嚴勤於聽理所歷之處人吏不敢犯卒贈工部尚書諡曰敬唐書本傳

李謹行棘人

偉容貌勇蓋軍中累遷營州都督家童至數千以貲自雄夷人畏之唐書本傳

王元志

天寶時為安東都獲安祿山反與營州侯希逸共斬其親將詔拜元志平盧節度使兼

御史大夫蘇源明奏德宗有云御史大夫王元志壓巫閭臨幽都其為時倚重如此

縣志卷三人  
物名官四

右唐宦績共六名

遼

韓德凝

玉田人雍正盛京志載安次人

謙遜廉謹聖宗開泰中

雍正盛京志載保寧中

任崇義軍節度使移鎮廣德秩滿部民請留從之

乾隆盛京

志名宦二

劉

伸

宛平人字濟時宜州崇義軍節度使

少穎悟長以辭翰聞重熙五年登進士第歷彰武軍節度使掌書記大理正因奏獄上

適與近臣語不顧伸進曰臣聞自古帝王必重民命願陛下省臣之奏上大驚異擢樞

密都承旨權中京副留守詔徙富民以實春泰二州伸以為不可奏罷之遷大理少卿

人以不寃陞大理卿改西京副留守以父憂終制為三司副使加諫議大夫提點大理

寺以伸明法而恕案冤獄全活者衆徙南京副留守俄改崇義軍節度使政務簡靜民

用不擾致烏鵲同巢之異優詔褒之改戶部使歲入羨餘錢三十萬緡拜南院樞密副

使道宗嘗謂大臣曰今之忠直耶律瑛劉伸而已宰相楊績賀其得人拜參知政事上

諭之曰卿勿憚宰相時北樞密使乙辛勢焰方熾伸奏曰臣於乙辛尚不畏何宰相之

畏乙辛卸之相與排詆出為保靜軍節度使上終欲大用加守太子太保遷上京留守

乙辛以事徙鎮雄武復以崇義軍節度使致仕適燕薊民飢伸與致仕趙徽韓造日濟以糜粥所活不勝算大安二年卒上震悼賻贈加等遼史本傳

韓慶民

宜州節度使

任宜州節度使金閣母下宜州拔槎枒山慶民死之其妻亦自殺

雍正盛京志名宦

右遼宦績共三名

金

赤蓋暉

字仲明其先附於遼居張皇堡故嘗以張為氏後家萊州禮賓副使領萊陽遼潤四州屯兵

暉體貌雄偉慷慨有志畧少遊鄉校遼季以破賊功受禮賓副使領萊陽遼潤四州屯兵天輔六年降仍命領其衆從閣母定興中府義錦等州及破張覺皆與有功以萬粟五千石助軍授洛州刺史宗望初伐宋孟陽之戰敵之中軍徑薄宗望營暉與諸將擊敗之追殺至城下訖師還數立戰功明年再舉伐宋攻下保州真定暉皆與焉進圍汴宋人夜出兵二萬焚我攻具暉以二謀克兵擊走之凡城中出兵拒戰暉之所當無不勝捷既克宋還從攻河間敵將李成以雄莫之兵來援暉與所部迎擊馬傷而墮暉輒奮起步鬪竟敗成兵是日凡七戰皆勝敵人多逼死濠隍間暉兩臂亦數中流矢賊將劉先生以兵二萬夜襲營暉力戰達旦賊始敗走皆溺死於水暉復傅城力戰如是連

月諸軍四面合攻遂克之加桂州管內觀察使因留撫河間時居民皆爲軍士所掠老幼存者無幾暉下命軍中聽贖還之未幾皆安堵如故從睿宗經略山東既攻下青州復從閣母攻濰州暉督其裨校先登而城中積藜菱乘縱風火發機石暉率將士衝冒而下力戰敗之軍還復以三十騎破敵于范橋帥府承制加靜江軍節度使進攻城中砲出幾中暉拂其甲裳裂之暉益奮攻卒破其城又從攻泗州克之還屯汶陽破賊衆於梁山濼獲舟千餘移軍攻濟州既敗敵兵因傅城諭以禍福乃舉城降暉約束軍士無秋毫犯自是曹單等州皆聞風而下從攻壽春歸德及渡淮爲先鋒遇重敵於秀州蘇州皆擊敗之遂至餘杭通糧餉治橋道暉之力爲多乃還載資治通鑑板以歸大軍過江寧徙其官民北渡時暑多疾疫老幼轉死道路其知府陳邦光者訴于宗弼怒將殺之暉曰此義士也力營救之竟得免富平之戰暉左右翼遇濘而敗睿宗念其前功杖而釋之師至熙河暉別降諸寨將鈴轄及吐蕃酋長等並民戶萬五千餘蘭州叛與訛魯補等攻下之獲河州安撫使白常熙河路副督總管劉維輔以獻還攻慶陽兩敗重敵殺其將戴巢師還遷歸德軍節度使宋州舊無學暉爲營建學舍勸督生徒肄業者復其身人勸趨之屬縣民家奴王夔者嘗業進士暉以錢五十萬贖之使卒其業夔後至顯官密州吏龐乙卒於官其孤貧不克葬暉爲營治葬事且資給其家十三年復



從大軍渡淮還鎮丁母憂尋以舊職起復既廢齊爲安化軍節度使天眷二年復河南宋人乘間陷海州帥府以登萊沂密四州委暉經畫敵無敢窺其境者爲定海軍節度使尋改濟南尹累遷光祿大夫俄以罪罷久之起爲昌武軍節度使天德二年遷南京留守尋改河南路統軍使授世襲猛安拜尙書右丞封河內郡王歲餘拜平章政事封戴王正隆初出爲興平軍節度使正隆降王爵爲樞密副使封景國公未幾復爲左丞封濟國公尋除大興尹封榮國公薨年六十五大定間諡曰武康子師直登進士第

伯德特离補

奚五王族人也  
崇義軍節度使

遼御院通進天會初與父撻不也歸朝授世襲謀克後以京兆尹致仕特离補招降松山等州未附軍民及招降平州蘇州境內督之耕作宗望伐宋特离補爲軍馬猛安與諸將留規取保遂安三州攻安肅軍河間雄保等兵十餘萬來救特离補率所部先戰大軍繼之大破其兵遂拔安肅特离補攝通判事降將胡愈陰結衆謀亂特离補勒兵擒愈及其衆五十餘人安肅軍改爲州就除同知州事改磁州捕獲太行群盜元帥府以磁相二州屯兵屬之擒王會孫小十苗清等羣盜遂平遷濱州刺史廉入優等以母憂去官起復本州改涿州刺史入爲工部郎中從張浩營繕東京宮室及田穀黨事起朝省爲之一空特离補攝行六部事遷大理卿出爲同知東京留守天德三年復爲大



理卿同知南京留守丁父憂起復洛州防禦使正隆盜起州縣無兵不能禦洛舊有河附於城下特离補乃引水注濠中以爲固盜弗能近州賴以安遷崇義軍節度使未幾告老歸田里卒特离補爲人孝謹爲政簡靜不積財常曰俸祿已足養廉衣食之外何用蓄積凡調官行李止車一乘婢僕數人而已

金史本傳

移刺温

遼橫帳人崇義軍節度使

本名阿撒工契丹小字睿宗爲左副元帥伐宋温從大臯渡江辟江寧府都巡檢江寧太平初下宋遣謀人扇搆百姓應者數萬人温擒其謀者遂不敢竊發宗弼嘉之賜銀千兩重綵百端絹二百匹宗弼每出征伐未嘗不在行間除同知河北西路轉運使事會宗弼巡邊温從軍不之官宗弼入朝熙宗宴群臣宗弼欲有奏請已被酒失次温掖而出宮明日熙宗謂宗弼曰阿撒事叔甚謹不可去左右由是宗弼益親信之嘗謂女婿紇石烈志寧曰汝可效阿撒之爲人也可以幾古人矣未幾除同知中京路都轉運使事累遷左諫議大夫兼修起居注正隆伐宋以本官爲濟州路行軍萬戶從至揚州軍還除同知宣徽院事世宗御饌不適口召温嘗之奏曰味非不美也蓋南北邊事未息聖慮有所在耳上意遂釋歷永定震武崇義節度使

以功歷崇義節度詳盛京通志

移臨海軍州治近水

秋雨水潦暴至城下城頗決百姓惶駭不知所爲温躬督役夫繕完之雖臨不測無所

避僚屬或止温温曰爲政疵癘水泛溢爲災守臣之罪當以此身爲百姓謝雖死不恨  
移鎮武定歲旱且蝗温割指以血瀝酒中禱而酌之既而雨霑足有羣鴉啄蝗且盡由  
是歲熟人以爲至誠之感云以老致仕卒

金史本傳及  
乾隆盛京志

高

松 澄州析木人崇  
義軍節度使

本名檀朶年十九從軍爲蒲輦有力善戰宗弼聞其名召置左右從破汴京及和尙原  
累官咸平總管府判官世宗即位充管押東京路渤海萬戶兵部尙書可喜謀反前同  
知延安尹李老僧曰我與萬戶高松謀之必從我矣衆曰若得此軍舉事易矣老僧往  
見松說松曰君有功舊人至今不得大官何也松曰我一縣令也每念聖恩累世不能  
報尙敢有望乎老僧遂不敢言可喜布輝阿瑣知事不可成遂上變共補幹論赴有司  
松從征窩幹以功遷咸平少尹四遷崇義軍節度使卒年七十四

金史  
本傳

瑤里孛迭

北京路窟白猛安羅山謀  
克人也崇義軍節度使

以軍功歷海濱令遷徐王府掾以稱職再任御史臺察廉升同知震武軍節度使事明  
昌初爲唐州刺史尋授西北路招討副使未幾改東北路六年正月北邊有警聚兵圍  
慶州急孛迭率本路軍往救敵解去州竟無患承安元年丞相襄北伐孛迭爲先鋒副  
統進軍至龍駒河受圍會襄引大兵至得解後授鎮寧軍節度使以六羣牧人叛改寧

昌軍李迭爲都統領步騎萬次懿州敵數萬來逆戰兵勢甚張李迭親陷陣奮力鏖擊却之身中二創捷聞遷一官承安二年虜軍千餘出沒剽掠錦懿間李迭追敗之復獲所掠悉還本戶三年從同判大睦親府事宗浩爲左翼都統戰移密河勝戰骨堡子西殺獲甚衆五年授知廣寧府事俄改東北路招討使以捍邊有功賜詔褒諭三遷爲崇義軍節度使泰和六年卒訃聞遣官致祭賜銀五百兩贈金紫光祿大夫李迭勇決善戰自幼以軍功顯任兵鎮十餘年所向克捷凡再遷官賜金幣甚爲上倚注云

金史本傳

馬惠迪

字吉甫朔陰人崇義軍節度使

擢天德三年進士第再調昌邑令察廉第一補尙書省令史大定中出爲西京留守判官以治最擢同知崇義軍節度使事累遷左司郎中先是鄧儼居是職世宗愛其明敏惠迪一日奏事退上謂宰臣曰人之聰明多失於浮街若惠迪聰明而朴實甚可喜也朕嘗與論事五品以下朝官少有如者未幾超授御史中丞拜參知政事時烏底改叛亡世宗已遣人討之又欲以甲士毀其船棧惠迪奏曰得其人不可用有其地不可居恐不足勞聖慮上曰朕固知之所以毀其船棧正欲不使再窺邊境耳尋以憂去起爲昭義軍節度使明昌元年爲南京留守致仕卒

金史本傳

奧屯襄

本名添壽上京路人崇義軍節度副使

大定十年襲猛安丞相襄舉通練邊事授崇義軍節度副使改烏古里弘詳穩召爲都水少監石州刺史未幾爲平南盪江將軍以功陞壽州防禦使遷河南路副統軍兼同知歸德府事昌武軍節度使仍兼副統軍崇慶改元爲元帥左都監救西京至墨谷口一軍盡殪襄僅以身免坐是除名明年授上京兵馬使宣宗即位擢遼東路宣撫副使未幾改速頻路節度使兼同知上京留守事二年二月爲元帥右都監行元帥府事于北京五月改留守兼前職俄遷宣撫使兼留守十一月詔諭襄及遼東路宣撫使蒲鮮萬奴宣差蒲察五斤曰上京遼東國家重地以卿等累效忠勤故委腹心意其協力盡公以徇國家之急及詳來奏乃大不然朕將何賴自今每事同心併力備禦機會一失悔之何及且師克在何善鈞從衆尙懲前過以圖後功三年正月襄爲北京宣差提控完顏習烈所害未幾習烈復爲其下所殺詔曲赦北京

金史本傳

伯德梅和尙

秦州人武勝軍節度使移鎮崇義軍

性鯁直尙氣節正隆五年收克護衛授曷魯椀羣牧副使未幾復召爲護衛十人長改尙廐局副使轉本局使轉右衛將軍拱衛使典尙廐者十餘年積勞特遷官二階除復州刺史明昌初爲西北路副招討改秦州防禦使升武勝軍節度使六年移鎮崇義軍時有事北邊左丞相夾谷清臣行省於臨潢檄爲副統會敵入臨潢和尙及護衛關合



土等領軍遂擊之敵積陣以待梅和尚直擣其陣殺傷甚衆敵知孤軍無繼聚兵圍之度不能免乃下馬相背射復殺百餘人矢盡猶以弓提擊爲流矢所中死關合土等皆沒上聞之震悼詔贈龍虎衛上將軍躡遷十階特賜錢二十萬命以禮葬之物皆官給以其子都奴爲軍前猛安中奴護喪就差權同知臨潢府事李達可爲勅祭使同知德昌軍節度使事石抹和尚爲勅葬使承安五年上諭尙書省曰梅和尚死王事其子都奴從軍久有功其議所以酬之乃命爲典署丞

金史本傳

閣

母

咸州路副統

世祖第十一子太祖異母弟也高永昌據東京幹魯征伐之閣母等爲之佐已克瀋州城中出奔者閣母邀擊殆盡與永昌隔沃里活水衆遇淖不敢進閣母以所部先濟諸軍畢濟軍東京城下城中人出城來戰閣母破之于首山殲其衆獲馬五百匹及幹魯古以罪去咸州閣母代之於是閣母爲咸州路副統遼議和久不成太祖進兵詔咸州路都統司令斜葛留兵一千鎮守閣母以餘兵會於渾河太祖攻上京實臨潢府諭之不下遼人恃儲蓄自固上親臨陣閣母以衆先登克其外城留守撻不野率衆出降都統杲兵至中京閣母自城西沿土河以進城中兵尙餘三千皆不能守遂克之宗翰等攻西京閣母婁室等於城東爲木洞以捍蔽矢石於北隅以芻藁塞其隍城中出兵萬

餘將燒之溫廸罕蒲匣率衆力戰執旗者被創蒲匣自執旗奮擊却之又爲四輪革車高出於堞閣母與麾下乘車先登諸軍繼之遂克西京與遼步騎五千戰于朔州之境斬首三百級復敗遼騎三百於河陰遼兵五千屯于馬邑縣南復擊破之隳其營壘盡得其車馬器械遼兵三萬列營於西京之西閣母以三千擊之閣母使士卒皆去馬陣於溝塹之間曰以一擊十不致之死地不可使戰也謂衆曰若不勝敵不可以求生於是人皆殊死戰遼兵遂敗追至其營而止明日復敗其兵七百餘人興中府宜州復叛閣母討之并下詔招諭詔閣母曰遼之土地皆爲我有彼雖復叛終皆吾民可縱其耕稼毋得侵掠勃堇蒙刮斜鉢吾撻等獲契丹九斤興中平閣母爲南路都統討回离保詔曰回离保以烏合之衆保據險阻其勢必將自斃若彼不出掠毋庸攻討耶律奧古哲等殺回离保于景薊之間其衆遂潰張覺據平州叛入于宋閣母自錦州往討之覺將以兵脅遷來潤隰四州之民閣母至潤州擊走張覺軍逐北至榆關遣俘持書招之復敗覺兵於營州東北欲乘勢進取南京時方暑雨退屯海孺逐水草休息使僕虺蒙刮兩猛安屯潤州制未降州縣不得與覺交通九月閣母破覺將王孝古於新安敗覺軍於樓峯口復與覺戰於兔耳山閣母大敗太宗使宗望問閣母敗軍之狀宗望遂以閣母軍討覺及宗望破張覺太宗乃赦閣母召宗望赴闕閣母連破僞都統張敦固遂

克南京執敦固殺之上遣使迎勞之詔曰聞下南京撫定兵民甚善諸軍之賞卿差等以給之又詔曰南京疆場如舊屯兵以鎮之命有司運米五萬石于廣寧給南京潤州戍卒遂下宜州拔义牙山殺其節度使韓慶民得糧五千石詔以南路歲飢許田獵其後宋童貫郭藥師治兵閣母輒因降人知之即具奏語在宋事中而宗翰宗望皆請伐宋於是閣母副宗望伐宋宗望以閣母屬尊先皇帝任使有功請以爲都統以監戰事於是閣母爲都統掃喝副之敗郭藥師兵於白河遂降燕山以先鋒渡河圍汴宋人請盟將士分屯於安肅雄霸廣信之境宗望還山西閣母與劉彥宗留燕京節制諸軍八月復伐宋大軍克汴州諸軍屯于城上城中諸軍潰而西出者十三萬人閣母撻懶分擊大敗之師還閣母爲元帥左都監攻河間下之大破敵軍萬餘於莫州宗輔爲右副元帥狗地淄青閣母與宗弼分兵破山谷諸屯宋李成兵圍淄州烏林答泰欲破之閣母克濰州廸古補朮烈速連破趙子昉等兵至于河上烏林答泰欲破敵於靈城鎮及議伐康王閣母欲先定河北然後進討太宗乃酌取羣議之中使婁室取陝西宗翰宗輔南伐天會六年薨年四十熙宗時追封吳國王天德二年配享太祖廟庭正隆改封譚王大定二年徙封魯王諡莊襄子宗叙

本名德壽

官至參知政事明昌五年配享世宗廟

庭

命史本傳

傳

霖

玉田人崇義軍節度副使

第進士累官至崇義軍節度副使行部臨潢歿於兵

雍正盛京志名宦

右金宦績共十名

元

木華黎

即木呼哩札刺兒氏孔溫窟哇第三子蒙古人世居阿難水東

雄勇有謀與博爾木博兒赤老溫俱以忠勇事其主號為撥里班曲律猶華云四傑也先是張鯨據金錦州自稱臨海王附於元元以鯨總北京十提領兵從奪忽蘭撒里必南征鯨懷反側木華黎覺之令蕭也先監其軍至平州鯨稱疾逗留不進也先執殺鯨鯨弟致憤其兄被害乃殺長史據錦州自稱瀛王改元興隆略平灤瑞利義懿廣寧等州下之木華黎帥軍致討州郡復降致依險為阻木華黎欲設奇取之乃遣權帥吾也而等別攻溜石山堡且諭之曰汝等急攻賊必往援我出其不意斷賊歸路可一戰擒也又令蒙古不花別屯永德縣東司之致聞溜石被圍果以兵救蒙古不花遣騎扼其歸路且馳報木華黎中夜引軍急馳比曙抵神水與致遇而蒙古不花兵亦會前後挾擊致遂奔潰拔開義縣進圍錦州致閉門拒守月餘其下縛之降木華黎殺致遼西遂

平木華黎進太師封國王卒諡宗武

元史本傳



移刺即耶律

捏兒

契丹族兵馬都元帥

幼有大志膂力過人沉毅多謀略遼亡金以爲參議留守等官皆辭不受聞太祖舉兵私語所親曰爲國復讎此其時也率其黨百餘人詣軍門獻十策帝詔見與語奇之賜名賽因必閣赤又問爾生何地對曰霸州因號曰霸州元帥乙亥拜兵馬都元帥佐太師木華黎取北京下高利興松義錦等二十六城破五十四塞平利州賊劉四錄及錦州賊張致兵勢方熾且盜名號木華黎命捏兒與大將烏也兒稠幹兒合兵討之致拒戰捏兒出奇兵掩擊斬致木華黎第功以聞遷龍虎衛上將軍兵馬都提控元帥繼取遼東西廣寧金復海蓋等十五城興州監州重兒反復與烏也兒討平之帝遣使者詔之曰自汝効順戰功日多今錫汝金虎符居則理民有事則將其勿替朕意戊寅從攻東平辛巳從攻延安壬午從圍鳳翔先登手殺數十人左臂中流矢創甚裹創進攻丹延木華黎止之對曰創未至死敢自愛也木華黎壯之與所乘白馬明日介其馬飾以朱纓簡驍衛七十人與金兵戰木華黎乘高見其馳突萬衆中曰此霸州元帥也諸軍繼進金兵敗走丹延十餘城皆降遷軍民都達魯花赤都提控元帥兼興勝府尹癸未從帝征河西取甘合辛蛇等州師還復從木華黎攻益都下萊膠淄等三十二城戊子得疾歸高州卒贈推忠宣力保德功臣太尉開府儀同三司上柱國追封興國公諡武

毅子買奴官至鎮國上將軍追封興國公

元史本傳

王

珣字君實義州開義人兵馬都元帥鎮遼東兼義川等州節度使

乙亥太師木華黎略地奚霫珣率吏民出迎承制以珣爲元帥兼領義川二州事丙子春張致僭號錦州陰結開義楊伯傑等來掠義州珣出戰伯傑引去會致兄子以千騎來衝珣選十八騎突其前復令左右犄角之一卒以鎗刺珣珣揮刀殺之其衆潰走獲其馬幾盡時興中亦叛木華黎圍之召珣以全軍來會致窺覘其虛夜襲之家人皆遇害及興中平珣無所歸木華黎留之興中遣其子榮祖馳奏其事帝諭之曰汝父子宣力我家不意爲張致所襲歸語汝父善撫其軍自今以往當忍恥蓄銳俟逆黨平彼之族屬城邑人民一以付汝吾不吝也仍免徭賦五年使汝父子世爲大官珣以木華黎兵復開義擒伯傑等殺之進攻錦州致部將高益縛致妻子及其黨千餘人以獻木華黎悉以付珣珣但誅致家其餘皆釋之始還義州丁丑入朝帝嘉其功賜金虎符加金紫光祿大夫兵馬都元帥鎮遼東便宜行事兼義川等州節度使珣貌黑人呼爲哈刺元帥哈刺言黑也從木華黎兵略山東至滿城令還鎮戒之曰彼新附之民恃山海之險反覆不常非盡坑之終必爲變對曰國朝經略中夏以恩信結人若降者則殺後寧復有至者乎遂還以子榮祖代領其衆甲申春正月卒年四十八珣爲政簡易賞罰明

信誅強撫弱毫髮無徇元史本傳

王榮祖字敬先 珣長子

性沈厚勇力絕人襲崇義軍節度使入朝上聞其勇選三力士與搏皆應手而倒討金平章政事葛布格所至有功授北京等路征行萬戶換金虎符伐高麗圍王京高麗奉表入貢擒布希萬努再伐高麗破十餘城降天龍諸堡皆禁暴掠民咸悅服移鎮高麗募民屯戍闢地千里中統元年詣闕世祖慰之曰卿父子勤勞於國誠節如一授沿邊招討使兼北京等路征行萬戶還鎮卒乾隆盛京志 歷朝人物六

右元宦績共四名

明

許進遼海東寧分巡道

字秀升成化丙辰進士言行錄 載丙戌分巡遼東風裁凜然中官屏息辨疑折獄人頌神明尋擢

右僉都御史巡撫大同身係天下安危善類賴之乾隆盛京志 名宦四

韓澄遼海東寧分巡道

弘治進士分巡遼東時妖人李真等作亂澄捕誅之邊境以寧乾隆盛京志 名宦四

許達遼海東寧分巡道

字汝登正德三年進士以樂陵知縣平流賊功超陞山東按察使僉事分巡遼海東寧道禮賢愛民聽獄詳明尋陞江南按察司副使宸濠之變達不屈死之諡忠烈

雍正盛京志名宦

王懋中

遼海東寧分巡道

舉進士累官山東布政司參政分守遼海東寧道練事勤政聽斷明允

雍正盛京志名宦

王舜漁

遼海東寧分巡道

正德進士歷官山東按察司僉事分巡遼海東寧道興利除弊不遺餘力時國計告匱

遼東軍職俸食不得時給射利者於中行賂網利舜漁廉得之即發其奸遼人頌之

乾隆

盛京志名宦四

傅霖

遼海東寧分巡道

嘉靖壬戌進士任遼海兵備道二年

雍正志曰續載明史

著有循績

乾隆盛京志名宦四

翟繡裳

遼海東寧分巡道

嘉靖進士任兵部主事條陳邊計多見舉行陞遼海東寧道有撫順守備以白金貂皮

行賄即揭正其罪墨吏震悚

乾隆盛京志名宦四

李貢

遼海東寧分巡道

成化甲戌進士巡撫遼東先是貢分巡遼有惠政至是不啻望歲總兵毛倫挾劉瑾勢



橫暴多不法貢裁抑之瑾喉言官誣以他事罰貢米五百石勒令致仕貢喜曰今日皇

甫規得與黨人矣雍正盛京志名宦

馮時泰廣寧道兵備參議

神宗時任廣寧道兵備參議守正不阿築大定老軍臺堡數十處區化有方及邊隅告

警主帥失機時泰奉旨勘實有忤當事遂被逮遼民無不稱冤欲詣闕聲枉總督顧養

謙止之疏為時泰申雪宰相趙志臯等亦交章力爭竟不白時泰自嘆曰由來直道忤

當權過貶潮陽路八千一掬忠肝天所鑒幾回血淚灑蠻烟乾隆盛京志名宦四

施聚錦義參將

由金吾右衛指揮使以功充本路參將陞都督僉事充右副總兵鎮守遼東累功封懷

柔伯雍正盛京志名宦

韓斌錦義參將

成化時為遼協鎮展陽明臺水關嶺諸屯堡復於清河地方設立城堡置備禦官操練

防守建鴉鶻關以限內外遼界遂闢乾隆盛京志名宦四

王錯錦義參將

指揮使以戰功充參將守錦義二城盡心邊事修理學校以功陞都指揮僉事康熙錦州府志官績

李英錦義參將

成化中為廣寧中屯衛指揮歷左軍都督僉事充右參將分守錦義二城講武恤士訓練之暇以書史自娛敦尚古禮建祠宇謹祭祀一以朱子為法在任七年百度具舉

盛京志名宦四

乾隆

王銘錦義參將

分守參將弘治六年癸丑大清堡填實軍官五百迄今過故基尋舊址猶令人遐思焉

四庫全書賀欽醫閣集

韓輔錦義參將

幼穎敏讀史傳兵法從醫閭賀先生遊弘治己酉襲改定遼中衛備禦撫順海蓋庚申

推右參將分守錦義據險設伏虜三入皆大破之九月大舉入唐大帽山援至遇敵張

左右翼餌引入伏四面伏發斬獲無算捷聞賜綵幣發夫修築清河等十一堡建屯堡

百十座耕守應援相依陞著都督僉事鎮守遼東拓高平釋以便行旅修鎮寧鎮夷二

堡築邊垣起寧至開原長亘千里功聞賜金帛武宗登極賜蟒衣

見遼陽縣志名宦

郭振錦義參將

弘治間由義州參將舊遼陽副總兵時東邊被夷擄去墩卒一名振出境召其酋責之

夷素畏振乃歷諸寨求得原卒送還又巡西邊有夷登牆窺覘召至重責扶去有盜犯書盜犯之家四字於其門軍民得遺物不敢私匿其爲人所畏服如此

遼陽縣志名宦

崔勝

錦義參將

定遼右衛指揮使以功累官都指揮使協守廣寧中路子鑑舉人開原參將鑑子二長

哲進士次賢遼陽副總兵賢之子世武由武舉升都指揮同知掌遼陽都司事

遼陽縣志鄉宦

胡忠

錦義參將

以指揮備禦廣寧累官中路參將轉分守錦義開鑿修復馬道門四東熙春西慶豐南

永清北安泰全遼志記載維詳有功於義州豈淺鮮哉當分守錦義時承前帥韓輔經

略之後邊患稍息忠訓練士卒益嚴防守毀淫祠浚城隍修學校延師儒訓飭武官子

弟城北有凌河民病涉忠乃捐金築橋往來便之及去任民爲之立碑祀廣寧名宦祠

遼陽縣志鄉宦

高雲

錦義參將

自在州指揮正德間山東流賊倡亂雲上書自効以功陞右參將分守南路躬率士馬

屯種樵採民甚賴焉又於義州逐虜面中二矢勇氣益倍遂毀虜陣然以尙氣性罷官

人多惜之

遼陽縣志名宦

蕭 滓 錦義參將

東寧衛指揮僉事正德六年調征流賊以滕縣平度狼山功陞指揮使九年征江西桃源洞以功陞都指揮使累陞都督鎮守山西提督三關卒於任滓體貌魁梧武宗呼為門神然遠於勢利卒以免禍齊給事之鸞奏稱當兜鍪交橫之時獨守靖恭之節可見其人焉 遼陽縣志名宦

趙國忠 錦義參將

嗣指揮職嘉靖初舉武會試進都指揮僉事擢錦義右參將連破敵進署都督僉事為遼東總兵官有功進都督同知嗣代趙卿鎮宣府命部將逆擊諳達於大濩沱敗之寇盡走及諳達薄京師國忠趨入衛移護諸陵寇見國忠陣於紅門畏不敢入三十一年再征遼東禦却小王子數萬騎明年逐敵出塞多斬獲進秩一等國忠善戰射穿扎為將有威嚴歷兩鎮繕亨障練士馬邊防賴之 乾隆盛京志歷朝人物七

賀世賢 錦義參將

少為廝養後從軍積功至瀋陽遊擊遷義州參將萬歷四十六年七月清河被圍副將鄒儲賢固守城破率親丁鏖戰城南與參將張旆俱死部將二十人兵民萬餘殲焉世賢駐鬢陽聞變疾馳出塞得首功百五十有四級進副總兵明年楊鎬四路出師世賢



副李如柏出清河劉綎深入中伏勸如柏往救不從綎遂覆歿尋擢都督僉事充總兵官駐虎皮驛鐵嶺被圍世賢馳援城已破邀獲首功百餘級泰昌元年九月連戰灰山撫安堡獲首功二百有奇當是時四方宿將鱗集遼左率縮朒不敢戰獨世賢數角鬪有功同列多忌之移鎮瀋陽經畧袁應泰下納降令廣寧總兵李光榮疑世賢所納多以狀聞巡撫薛國用亦奏三可慮兵部尙書崔景榮請拒勿納而置已納於他所然世賢所納卒不可散同列遂謗其有異志天啓元年三月清以重兵薄瀋陽世賢及總兵尤世功掘塹濬壕樹大木爲柵列楯車火器木石環城設兵守城法甚具清先以數十騎來偵世功兵躡之殺四人世賢勇而輕嗜酒且日飲酒率親丁千出城逆擊期盡敵而反清兵佯敗世賢乘銳進倏精騎四合世賢戰且却抵西門身被十四矢城中聞世賢敗各鳥獸竄而降丁復叛斷城外弔橋或勸世賢走遼陽曰吾爲大將不能存城何面目見袁經畧乎揮鐵鞭馳突圍中擊殺數人中矢落馬而死

明史卷二百七十一  
列傳第一百五十九

張用和 山東巡撫  
管理軍務

弘治十六年癸亥與巡按侍御余宗周 江踵臨修建營堡爲保邊首務相度其宜區處

其費自大清堡西南堡大寧大平大康大安大定踰年以次就緒每堡填實兵備多者七百少者四百人供軍舍餘從焉於是授以附堡田土使之耕且守以漸包砌六堡舊

名清河義寧鎮防青榆林大安綏遠其五堡新名由備禦都指揮張萱易之時張椿與千總都指揮楊忠同爲督工委員四庫全書賀欽醫閣集

何浩指揮

洪武二十二年己巳指揮何浩仍舊築修義州城周九里有奇門四壕廣二丈外足以

禦寇內足以衛民迄今披閱全遼志及盛京通志猶想見其嘉惠云雍正盛京志城池

楚勇都指揮

宣德間都指揮楚勇始甃城以磚方九里一十步高三丈池深一丈五尺闊一丈八尺

圍九里一百六十六步保民即以爲國迄今哲人往矣甃磚之城猶然無恙督工區處

之概況洵有不可湮沒者雍正盛京志城池

史有容掌印都司

嘉靖四十二年癸亥南關永清門外圍一里四十步掌印都司史有容新增門樓各一

彼何浩楚勇胡忠諸公修築甃磚開鑿各事蹟不且後先輝映即相得益彰云明嘉靖全遼志

韓璽都指揮僉事

字國信遼陽人斌孫輔子弘治乙丑武試進士襲加授署都指揮僉事遊擊將軍正德

戊辰義州軍亂總鎮欲以兵平之璽單騎入撫人爲璽危璽獨無難色卒能已亂陞遼

陽副總兵虜犯海州追斬其衆陞署都督僉事充遼東總兵賜蟒衣二表裏白金二十兩在鎮簡賢能逐庸弱申令僚屬簡閱兵馬威惠並用南山僧孟法泰以妖惑人置之法朶顏寇寧遠璽率兵追斬獲所掠蒙賞賚有加累却虜於清河開原廣寧皆捷陞都督同知履任十年屢蒙賞賜疾革聞家人求取南杉木止之曰吾東人以松爲棺從俗可也又聞以玉帶殉葬乃誦昨日玉魚蒙葬地異時金盃出人間之句曰此無用者遂卒著有軍門諭衆錄八陣圖法子承恩武舉任建昌營參將承慶歷陞都督同知由延

綏大同轉遼陽副總兵以武功顯

遼陽縣志名宦

王

翱字九臯鹽山人提督軍務右僉都御史

永樂乙未進士正統七年冬創立六馬營堡每堡守以餘兵五十人小官一員以軍令久弛寇至將士不力戰因諸將庭謁責以失律罪命左右曳出斬之皆恐惶叩頭願效死贖翱乃躬行邊起山海關抵開原繕城垣濬溝塹五里爲堡十里爲屯使烽燧相接練將士恤鰥寡軍民大悅又以邊塞孤遠軍餉匱緣俗立法令有罪得收贖十餘年間得穀及牛羊數十萬邊用以饒八年以九載滿進右副都御史

四庫全書賀欽醫閩集又明史本傳

楊

照字明遠前屯衛人金海衛衛總兵

都督鎮之孫嗣世職爲前屯衛指揮使嘉靖中以功累遷遼東總兵官累立戰功嚴嵩

怒照不輸賄解職嵩敗朝廷以宿望起之四十二年蒙古深入金海諸衛總兵官吳瑛不能禦詔罷瑛以照代其秋又聚衆廣寧塞外謀大入詔率諸將由鎮夷堡分道掩之夜失道去塞六十里遂爲敵所圍力戰中矢死照忠勇負氣撫士有恩嘗湮盡忠報國四字於背誓以死自效起官數月間屢戰捷竟殞於陣贈少保左都督諡忠壯

清統志  
錦州府

李成梁

字汝契鐵嶺衛  
人遼東總兵

高祖英自朝鮮內附授世職鐵嶺衛指揮僉事遂家焉成梁英毅驍健有大將才家貧不能襲職年四十猶爲諸生巡按御史器之資入京乃得襲積功爲遼東險山叅將隆慶元年土蠻大入永平成梁赴援有功進副總兵仍守險山尋協守遼防三年四月張擺失等屯塞下成梁迎擊斬之殲其卒百六十有奇餘衆遠徙遂空其地錄功進秩一等四年九月辛愛大入遼東總兵官王治道戰死擢成梁署都督僉事代之當是時俺答雖款塞而插漢部長土蠻與從父黑石炭弟委正大委正從弟煖兔拱兔卜言台周從子黃台吉勢方強泰寧部長速把亥炒花朵顏部長董狐狸長昂佐之東則王杲王兀堂清佳努楊吉努之屬亦時窺塞下十年之間殷尙質楊照王治道三大將皆戰死成梁乃大修戎備甄拔將校收召四方健兒給以厚餼用爲選鋒軍聲始振明年五月敵犯盤山驛指揮蘇成勛擊走之無何土蠻大入成梁遇於卓山麾副將趙完等夾擊



其首尾乘勝抵巢馘部長二人斬首五百八十餘級進署都督同知世應千戶又明年十月土蠻六百騎營舊遼陽北河去邊二百餘里俟衆集大舉成梁擊走之萬曆二年又擊走之前屯已又破走之鐵嶺鎮西諸堡增秩二等朶顏兀魯恩罕以千騎毀墻入成梁禦却之建州都指揮王杲故與撫順通馬市及是誘殺備禦裴承祖成梁謀討之明年十月杲復舉大入成梁檄副將楊騰游擊王惟屏分屯要害而令叅將曹篋挑戰諸軍四面起敵大奔盡聚杲寨寨地高杲深溝堅壘以自固成梁用火器攻之破數柵矢石雨下把總于志文秦得倚先登諸將繼之杲走高臺射殺志文會大風起縱火焚之先後斬馘首千一百餘級毀其營壘而還進左都督世應都指揮同知杲大創不能軍走匿阿哈納寨篋勒精騎往杲走南關都督王台執以獻斬之三年春土蠻犯長勇堡擊敗之其多炒花大會黑石炭黃台吉卜言台周以兒鄧煖兔拱兔堵刺兒等二萬餘騎從平虜堡南掠副將曹篋馳擊遂轉掠瀋陽見城外列營乃據西北高墩成梁邀戰發火器敵大潰棄輜重走追至河溝乘勝渡河擊斬以千計加太子大保世應錦衣千戶明年黑石炭大委正營大清堡邊外謀錦義成梁率選鋒馳三百里逼其營攻破之殺部長四人獲級六十有奇五月土蠻復入聯營河東而遣零騎西掠成梁掩其巢得利而還明年正月速把亥糾土蠻大入營劈山成梁於丁字泊敵方分騎繞墻入成

梁夜出塞二百里搗破劈山營獲級四百三十馘其長五人加太保世廕本衛指揮使三月遊擊陶承譽擊敵長定堡馘四百七十有奇帝已告謝郊廟大行賞賚廕成梁世指揮僉事有言所殺乃土蠻部曲因盜牛羊事覺懼罪來歸承譽掩殺之給事中光懋因請治承譽殺降罪御使勘如懋言兵部尙書方逢時督撫梁夢龍周詠先與承譽同叙功力爲解卒如御使奏盡奪諸臣恩命六月敵犯鎮靜堡復擊退之十二月速把亥炒花煖兔拱兔會土蠻黃台吉大小委正卜兒亥慌太等三萬餘騎壁遼河攻東昌堡深入至耀州成梁遣諸將分屯要害以遏之而親提銳卒出塞二百餘里直搗圓山斬首八百四十及其長九人獲馬千二百匹敵聞之皆倉皇走出塞論功賞寧遠伯歲祿八百石是時土蠻數求貢市關吏不許大恨七年十月復以四十萬騎自前屯錦川營深入成梁命諸將堅壁自督參將楊粟等遏其衝會戚繼先亦來援敵遂退俄又與速把亥合壁紅土城聲言入海州而分兵入錦義成梁踰塞二百餘里直抵紅土城擊敗之獲首四百七十有奇迤東都督王兀堂故通市寬奠後叅將徐國輔弟國臣強抑市價兀堂乃與趙銷羅骨數遣零騎侵邊明年三月以六百騎犯饜陽及黃岡嶺指揮王宗義戰死復以千騎從永奠入成梁擊走之追出塞二百里敵以騎卒拒而步卒登山鼓譟成梁大敗之斬首七百五十盡毀其營壘捷聞并錄紅土城功予成梁世襲其

秋兀堂復犯寬奠副將姚大節擊破之兀堂由是不振土蠻數侵邊不得志忿甚益徵諸部兵分犯錦義及右屯大凌河以城堡堅不能克而成梁及薊鎮兵亦集乃引去無何復以二萬餘騎從大鎮堡入攻錦州參將熊朝臣固守而遣部將周之望王應榮出戰頗有斬獲矢盡皆戰死敵乃分掠小凌河松山杏山成梁馳援始出境九年正月土蠻與黑石炭大小委正卜言台周腦毛大黃台吉以兒鄧煖兔拱兔炒戶兒聚兵塞下謀入廣寧成梁率輕騎從大寧堡出塞四百餘里至襖郎兔大戰自辰迄未敵不支敗走官軍將還敵來追成梁逆擊且行先後斬首三百四十及其長八人錄功增歲祿百石世廕一等四月黑石炭以兒鄧小歹青卜言兔入遼陽副將曹簠追至長安堡遇伏失千總陳鵬以下三百十七人馬死者四百六十匹遂大掠人畜而去簠等下吏成梁不問十月土蠻復連速把亥等十餘萬騎攻圍廣寧不克轉掠團山堡盤山驛及十三山驛攻義州成梁禦却之十年三月速把亥率炒花子卜言兔入犯義州成梁禦之鎮夷堡設伏待之速把亥入李平胡射仲其脅墜馬蒼頭李有名前斬之寇大奔追馘百餘級炒花等慟哭去速把亥爲遼左患二十年至是死帝大喜詔賜甲第京師世廕錦衣指揮使初王杲死其子阿台走依王台長子虎兒罕以王台戲其父嘗欲報之王台死虎兒罕勢衰阿台遂附北關合攻虎兒罕又數數犯孤山汎河成梁出塞遇於曹子

谷斬首一千有奇獲馬五百阿台復糾阿連兵入抵瀋陽城南渾河大掠去成梁從撫  
順出塞百餘里火攻古勒塞射死阿台連破阿海寨擊殺之獻馘二千三百臬部遂滅  
錄功增歲祿百石世廕指揮僉事北關清佳努楊吉努素讐南關王台沒屢台李子猛  
骨孛羅且藉土蠻煖兔慌忽大兵侵邊境其年十二月巡撫李松使備禦霍九臬許之  
貢市清佳努楊吉努率二千餘騎詣鎮北關謁松九臬見其兵盛譙讓之則以三百騎  
入松先伏甲於旁約二人不受撫則礮舉甲起頃之二人抵關據鞍不遜松叱之九臬  
麾使其下徒遽拔刀劈擊九臬并殺侍卒十餘人於是軍中礮鳴伏盡起擊斬二人并  
其從騎與清佳努子兀孫孛羅楊吉努子哈兒哈麻盡殲焉成梁聞礮急出塞擊其餘  
留騎斬首千五百有奇餘衆刑白馬攢刀誓永受約束乃旋師錄功增歲祿二百石改  
前廕指揮僉事爲錦衣衛指揮使方成梁之出塞也炒花等以數萬騎入蒲河及大寧  
堡將士防禦六日始出塞十三年二月把兔兒欲報父速把亥之怒偕從父炒花姑壻  
花大料西部以兒鄧等以數萬騎入掠瀋陽既退駐遼河聲犯開原鐵嶺成梁與巡撫  
李松潛爲浮橋濟師踰塞百五十里疾掩其帳寇已先覺整衆逆戰成梁爲壘陣親督  
前陣擊而松以後陣繼之斬首八百有奇捷聞增歲祿百石改廕錦衣指揮使爲都指  
揮使其年五月敵犯瀋陽伏精騎塞下誘官軍游擊韓元功追襲之敗死閏九月諸部



長復犯蒲河殺裨將數人大剽掠而西部銀燈亦窺遼潘成梁令部將李平胡出塞三百五十里搗破銀燈營斬首一百八級諸部長聞之始引去十四年二月土蠻部長一克灰正糾把兔兒炒花花大等三萬騎約土蠻諸子共馳遼陽挾賞成梁偵得之率副將楊燮參將李寧李興孫守廉以輕騎出鎮邊堡晝伏夜行二百餘里至可可母林大風雷敵不覺既至風日晴朗敵大驚發矢如雨將士冒死陷陣獲首功九百斬其長二十四人其年十月敵七八萬騎犯鎮夷諸堡閱五日始出十五年春東西部連營入犯其秋八月復以七八萬騎犯鎮夷堡十月把漢大成糾土蠻十萬騎由鎮夷大清二堡入數日始出北關既被創後清佳努子卜塞與楊吉努子那林孛羅漸強盛數與南關虎兒罕子歹商構兵成梁以南關勢弱謀討北關以輔翊之明年五月率師直搗其巢卜塞走與那林孛羅合憑城守城四重攻之不下用巨礮擊之碎其外郭遂拔二城斬馘五百餘級卜塞等請降設誓不復叛乃班師十七年三月敵犯義州復入太平堡把總朱永壽等一軍盡沒九月腦毛大合白洪大長昂三萬騎復犯平虜堡備禦李有年把總馮有昇皆戰死成梁選鋒沒者數百人敵大掠瀋陽蒲河榆林八日始去明年二月卜言台周黃台吉大小委正結西部義漢塔塔兒五萬餘騎復深入遼瀋海蓋成梁潛遣兵出塞襲之遇伏死者千人成梁乃報首功二百八十得增祿廕土蠻族弟土墨

台豬借西部青把都恰不慎及長昂滾兔十萬騎深入海州成梁不敢擊縱掠數日而去十九年閏二月成梁乘給事侯先春閱視謀邀搗巢功使副將李寧等出鎮夷堡潛襲板升殺二百八十人師還遇敵死者數千人成梁及總督蹇達不以聞巡按御使胡克儉盡發其先後欺罔狀語多侵政府疏雖不行成梁由是不安於位及先春還朝詆尤力帝意頗動成梁再疏辭疾言者亦踵至其年十一月帝竟從御使張鶴明言解成梁任以寧遠伯奉朝成梁鎮遼二十二年先後奏大捷者十帝輒祭告郊廟受廷臣賀蟒衣金繒歲賜稠疊邊師武功之盛二百年來未有也

明史本傳

常遇春

字伯仁懷遠人左副將軍

貌奇偉勇力絕人猿臂善射初則從劉聚爲盜察聚終無成歸太祖於和陽未至因臥田間夢神人被甲擁盾呼曰起起主君來驚寤而太祖適至即迎拜時至正十五年四月也嗣後改遇春左副將軍居右副將軍馮勝上北取大同轉徇河東下奉元路與勝軍合西拔鳳翔會元將也速攻通州詔遇春還備以平章李文忠副之帥步騎九萬發北平經會州敗敵將汪文清於錦州敗也速於全寧進攻大興州分千騎爲八伏守將夜遁盡禽之遂拔開平元帝北走追奔數百里獲其宗王慶生及平章鼎柱等將士萬人車萬輛馬三千匹牛五萬頭子女寶貨稱是師還次柳河川暴疾卒年僅四十六太祖

聞之大震悼喪至龍江親出奠命禮官議天子爲大臣發哀禮議上用宋太宗喪韓王趙普故事制曰可賜莽鍾山原給明器九十事納墓中贈翊運推誠宣德靖遠功臣開府議同三司上柱國太保中書右丞相追封開平王諡忠武配享太廟肖像功臣廟位

皆第二

明史本傳

麻

貴 大同右衛人  
遼東總兵

父祿嘉靖中爲大同叅將與子遊擊錦並有却敵功貴由舍人從軍積功至都指揮僉事充宣府遊擊將軍隆慶中遷大同新平堡參將貴與兄副將錦拒戰有功受賞萬曆初再遷大同副總兵十年冬以都督僉事充寧夏總兵官無何進右都督予世廕三十八年命貴鎮遼東泰寧炒花素桀驁九子各將兵他部宰賽煖兔又助之邊將畏戰但以增歲賞爲事寇益無所忌明年臨邊要賞將士出不意擊之拔營遁徙額力素居焉其地忽天鳴地震炒花驚懼再徙渡老河去邊幾四百里其弟三子色特哂之南移可母林伺隙入犯貴伏兵敗之追北至白雲山斬馘三百四十有奇色特憤謀復讐料宰賽以兒鄧皆不應乃東糾卜言顧伯要兒西糾哈刺漢乃蠻合犯清河皆潰以兒鄧等懼代炒花求欵邊境乃寧明年插漢虎墩兔以三萬騎入掠穆家堡禦之敗去其夏貴引病乞罷詔乘傳歸貴果毅驍捷善用兵東西並著功伐先後承特賜者七錫世廕

者六及歿予祭葬稱一時良將焉麻氏多將才人以方鐵嶺李氏曰東李西麻

明史本傳

董一元

宣府前衛人  
遼寧總兵

父暘嘉靖中爲宣府遊擊將軍俺答犯滴水崖力戰死贈官錫廕春秋世祀兄一奎都督僉事歷鎮山西延綏寧夏三邊以勇敢著一元勇如兄而智略過之嘉靖時歷薊鎮遊擊將軍土蠻黑石炭等以萬餘騎犯一片石總兵官胡鎮禦之一元功最超俸三級遷石門寨叅將隆慶初破敵棒槌崖功復最再進二級遷副總兵駐防古北口移守宣府萬歷十一年以都督僉事爲昌平總兵官尋徙宣府十五年徙薊州久之劾罷鄭洛經略洮河命一元練兵西寧火落赤入犯一元擊之西川多所斬獲尋以副總兵協守寧夏擢延綏總兵官疇拜之亂套中諸部長悉助之一元乘其西掠輕騎搗土味巢獲首功百三十驅其畜產而還寇內顧引去進署都督同知入爲中府僉事遼東自李成梁後代以楊紹勳一歲三失事尤繼先繼之半歲病去廷議擇帥乃以命一元泰寧速把亥爲官軍所殺其次子把兔兒常欲復讐從父炒花及姑婿花大助之勢益強西部卜言台周故插漢土蠻子也部衆十餘萬與把兔兒東西相倚數侵邊至是卜言合一克灰正腦毛大諸部聲犯廣寧而把兔兒以炒花花大煖兔伯言兒之衆營舊遼陽將入掠鎮武錦義一元與巡撫李化龍策曰卜言雖衆然去邊遠我特患把兔兒及炒花



耳今其衆不過萬騎破之則西部將不戰走乃遣副將孫守廉馳右屯禦西部而親將大軍匿鎮武外爲空營待之寇騎馳入營大笑以爲怯乃深入官軍忽從中起奮呼陷陣自午至酉寇大奔逐北七十餘里至白沙塢俘斬五百四十有奇獲馬駝二千計伯言兒中矢死把兔亦傷餘衆終夜馳天明駐馬環哭其明日卜言台周入右屯攻五日夜守廉等固守乃引去時二十二年十月也捷聞帝大喜祭告郊廟宣捷行賞進一元

左都督加太子太保蔭本衛世指揮使

明史本傳

李化龍

長垣人右僉都御史遼東巡撫

萬曆二年甲戌進士除嵩縣知縣年甫二十胥吏易之化龍陰察其奸悉召置之法縣中大治遷南京工部主事歷右通政使二十二年夏擢右僉都御史巡撫遼東初總兵李成梁破殺泰寧速把亥其子把兔兄弟炒花據舊遼陽以北居兩河之中益結土蠻爲患其年四月把兔兒圍遼陽朵顏小歹青福餘伯言兒分犯錦義掠清細河巡撫韓取善坐免化龍受事甫二月把兔兒與伯言兒等寇鎮武又約土蠻子卜言台周犯右屯把兔兒先至吳家墳化龍與總兵官董一元定計先擊把兔伯言兒伯言兒中流矢死把兔被傷卜言台周至攻右屯不利亦解去於是把兔小歹青卜言台周益相結謀復前恥化龍與一元嚴備之一元又出塞搗巢有功而把兔傷重竟死邊塞讐服詳具

一元傳化龍進兵部右侍郎明年小歹青梅禍歎塞請開木市於義州且告朵顏長昂將犯邊己長昂果犯邊錦義副總兵李如梅擊却之歹青言即信化龍遂許其請上疏曰環遼皆敵也迤北土蠻種類多不可數近邊者直寧前則長昂直錦義則小歹青直廣寧遼瀋則把兔炒花花大直開鐵則伯言煖兔其在東邊海西則猛骨孛羅那林孛羅卜塞皆與遼地項背相望並牆圍獵則刁斗聲相聞蓋肘腋憂也自那卜被勦數年東陲無事去年把兔伯言戰死炒花花大一敗塗地今伯言子宰塞受罰入市廣寧遼瀋開鐵間警報漸希所未馴伏者惟小歹青與長昂耳小歹青素兇狡雄長諸部西助長昂東助炒花大舉動以數萬小竊則飛騎出沒錦義間自周之望柏朝翠戰歿無敢以一矢加遺凌河上下方數百里野多暴骨民無寧宇遠慮者每以河西不保爲虞今乃叩關求市臣遍詢將領及彼地居民僉言木市開有五利河西無木皆在邊外判亂以來仰給河東以邊警又不時至故河西木貴於玉市通則材木不可勝用利一所疑於歹青者無信耳彼重市爲生路當市時必不行掠即今年市而明年掠我已收今年不掠之之利矣利二遼東馬市成祖所開無他賞本聽商民與交易木市與馬市等有利於民不費於官利三大舉之害酷而希零竊之害輕而數小歹青不掠錦義零竊少矣又西不助長昂東不助炒花則敵勢漸分即寧前廣寧患亦漸減且大舉先報又得

預為備利四零竊即希邊人益得修備利五疏入從之化龍尋以病去木市亦停止其  
後總兵官馬林復議開市與巡撫李植相左論久不決小歹青遂復為寇云三十一年  
晉兵部尙書加少保秩滿加柱國少傅兼太子太保卒官年七十諡襄毅贈少師加贈

太師

明史本傳

右明宦績

共三十四名

清

俞

定 浙江山陰人  
州巡檢司巡檢

康熙十五年任義州巡檢 屬廣 時義州叛王 察哈爾 初平甫設治城垣多不完備十六年同

城守辛公珠陸續修葺 詳乾隆元年  
盛京通志 保衛居民防禦盜賊邑人德之 本志  
新輯

辛 珠 本邑滿洲人  
義州城守尉

修築城垣創立尉署察哈爾王之叛賴辛珠馳京告變王逃民得安堵未遭蹂躪邑人

至今猶追述之 本志  
新輯

王枝培 直隸靜海人  
義州知州

雍正十二年由海城調任時義初設州百事待舉諸務未有端倪創建州署及設備州  
治應有各事宜頗稱完善在任五年明幹勤能敦崇節孝維持風化政治伊始規模聿

新邑人頌之

本志新輯

胡世仁

漢軍廂藍旗人義州知州

歲貢生乾隆五年調任義州承初創治之後闔邑政務多賴補行於乾隆九年奉旨建

修學宮會同學正孫龍治邀集士紳文舉人趙好賢趙瑜武進士崔英趙頗拔貢王佐

廩生王捷庠生王基監生王君召等計日興修提調委吏目周珍督工購料煥然一新

於是文風丕振邑人多感戴之其他振興庶務尤不勝枚舉

本志新輯

徐之寬

字栗齋浙江桐廬人義州知州

乙酉拔貢善書吾邑迄今猶有珍藏其字迹者

李廣春李芝齡家俱有

嘉慶間知州事治尙嚴明衡

文尤稱得士一經首選輒脫穎而出如王旭齡取爲州案旋補廩旋舉優旋領鄉薦旋

補四川榮經知縣在任以清恪著聞方勳由州案旋食餼旋登賢書旋選直隸棗強縣

教諭其管學亦鼓勵不倦吾邑咸稱徐公之得士類有如此者至徐公之矢志清廉理

訟詳悉勸農課士孜孜無怠嘉惠人民邑人迄今稱之無間言

本志新輯

金廷掄

通州人義州學正字俊卿

道光壬辰鄉貢性恬靜貌慈善課勵諸生循循善誘管學十餘年士子咸景仰焉未幾

卒於學署其少君金鏡芙

字曉山通州舉人

扶櫬旋里門下士泣送之道左奠別多有遙望而不



忍去者

本志新輯

張長庚

字少伯靖州人代攝義州知州

道光二十六年署義少牧代攝州事片言折獄百廢俱興可謂循吏衙旁有紳商為立

德政碑今無存

本志新輯

李聖贊

山東黃縣人義州學正

由舉人出身道光間任學正品端學邃多士景從增修學宮倡首捐俸功未竟卒於任

迄今士人讀文廟碑猶想慕之墓在邑西南沙河子屯東北山梁其後世子孫遂寄居

州城焉

本志新輯

董履坦

字淡園直隸豐潤人義州學正

壬子舉人道光間繼李公聖贊任克竟文廟之工程其功為多刻石立碑歷叙興工原

委至今讀碑猶想見當年之遺蹟在任數年道義律身真誠課士諸生成荷陶成

本志新輯

李文森

字樹楷義州知州

咸豐十年馬賊犯境時與城守尉金公懷忠合力堵防晝夜盤查修補城垣舉辦團練

馬賊聞風遠揚李公尾追至邊外艾林臯左近賊皆四散義州賴以保全至聽訟善斷

民有青天之頌今南門外李公遺愛碑

詳藝文志

與金高二公碑並立流芳

本志新輯

金懷忠 義州城守尉

咸豐間管理義州城守三邊門事務時馬賊猖獗與州牧李公樹楷和衷共濟督同士

紳劉福永李應時郭隆韓玉等補葺城垣晝夜盤查調遣旗兵各守汛地馬賊聞風北

逃城獲以安 本志新輯

崇光 滿洲人義州知州

咸豐初年來牧是邦大商咸字號如西關咸豐當等十四處荒閉銀價漲至市錢三十

吊有零公設法變通以現錢換憑帖銀價因以漸平其聽訟則隨問隨判民無滯獄人

多頌焉又因銀價大昂欲將首飾化銀為銅禁止銀工銷耗惜稿立而事未及行又將

沿河一帶災地逋賦統為報銷民間免去罪累者數千家至今父老傳聞猶為歌泣 本志新輯

徐慶璋 字璵齋義州知州

同治十二年任義其時賭風甚熾賭首兇橫異常拏獲立斃杖下猾吏訟棍聞風遠揚

更善用兵本境稍有不靖即親往撲滅焉厥後保障遼陽日人許為知兵即於我邑兆

其端云 本志新輯

福培 字樹之滿洲人義州知州

同治十二年任義改裝徧訪城鄉周知民隱除暴安良四境獲安至光緒七年又任義

置義地修文廟立書院課士後來人文蔚起鄉會聯捷皆福公之賜也

本志新輯

陳 堦 字堯風一字溯淳直隸安州人義州學正

己卯舉人課士嚴明鼓勵不倦當時諸生中李鶴年登甲辰進士

見李鶴年鄉會硃卷

馬芳田領丁

卯鄉薦 見馬芳田鄉會硃卷 後皆點詞林類皆受知於陳公堯風之力居多道光己酉荷月闈學敬

送匾額曰師嚴道重匾現存教育局至今猶存焉

本志新輯

陳榮昌 字文風河南維山人義州知州

辛未進士光緒十三年補受義州為人淹通明斷教養有法崇學重儒為政務持大體

每遇州考親自閱卷隨交隨閱立判優劣士人咸佩服之去任時士民攀送如失慈母

本志新輯

陳陽春 字熙臺直隸唐山人義州學正

同治庚午鄉魁品行端方學問淵博光緒六年司鐸義州不阿長官不干詞訟培養人

材多所成就在義十數年士子深荷陶鎔如光緒己丑進士王炳章稱陳公為課師丁

酉舉人薛俊升己酉拔貢李芝齡皆稱陳公為肄業師可想見當年造就人材之概況

去任時士人如失怙然

本志新輯

金熙葆 字叔廉義州知州

光緒十年任義儀容嫻雅渾厚精明常語人曰民間曲直閱原被呈即可得其大半矣  
判決如神民無冤抑捐廉修補衙門又稟免相驗場規丁母憂去官紳商擁送洒淚而  
別南門外立有德政碑詳藝文志勒石禁革紅車積弊示諭附後本志新輯

欽加理事同知賞代花翎特授義州正堂隨帶加二級紀錄三次金

爲勒石永達諭禁事照得奉省相驗場規業蒙各大憲早經禁革各屬無不恪遵本  
州到任之後查得州屬夙遇相驗場規一役亦經裁革若再加以隨時密訪嚴懲不  
難盡洗從前積弊惟遇有招解人犯車價川資等項名曰紅車向車各該被事村屯  
鄉保按地攤派相沿已久且人犯設有翻供駁審及至再解攤派如初以致地方每  
出一案小民受累無窮殊非體恤黎庶之道當經本州一律禁革擬定章程所有招  
解人犯紅車暨每年秋審並起解發配各犯車輛以及解役川資概由本州捐廉雇  
給絲毫不准取之於民則車戶解役既不致虧賠民間亦可免擾累當經稟蒙督憲  
批准案並通飭各屬一體遵行在案本州深恐日久禁弛仍屬徒勞無益故特勒石  
署前以期永遠除將擬定捐發車價川資各數目刊刻於後外合行勒石永遠諭禁  
爲此諭仰闔屬旗民人等一體知悉嗣後一切招解車輛概由地方官捐備永不准  
攤派民間如有差役鄉保人等仍藉紅車爲名需索苛派准受害之人來署稟明定



行嚴辦決不寬貸各宜凜遵切切特諭

一每按一起給車一輛遇犯多者再酌量加給總以一車二犯爲定

一以六十里爲一站每車每站給發車錢六吊由州至府計程九十里作爲站半共發給車錢九吊由府至省計程五百里作爲八站半共發給車錢五十一吊由省回州計程五百里亦發給車錢五十一吊如係旗案犯不發回者回車價不發

一每解省覆審案一起給發解役人等川資車錢六十吊文

一每解府覆審案一起給發解役人等川資車錢十吊

一解秋審人犯車價及解役川資均與上全

一起解發配南路人犯每車給價東錢九吊解役川資錢四吊發配東路人犯每車給價錢東錢十二吊解役川費錢四吊文

光緒十二年歲次丙戌四月 穀旦 立

陶應潤

朝陽縣人  
義州知州

監生浙江會稽原籍後籍朝陽著義州吏目時有能聲於光緒三十二年知義州知州

事甫下車即諭繼成馬前任

後

顯所未竟之鄉土志

雖未付刊成書  
責則編纂者

其功爲多年七十餘精神

壯健尤善岐黃有求輒應每出入輒騎馬一般人民都羨慕之卸任後卒於邑越數年

長子進士陶恩榮始移柩歸里

本志新輯

陳宗楸

字子楸直隸冀州人義州學正

廩貢生授金州廳訓導光緒三十一年署義州學正值停科舉興學堂極力提倡學務於時考送奉天速成師範多人後皆造成教材廣施教育義初立學堂規模雖具陳公多從而輔翼之未幾去任繼署者則為張公仲權字佩衡

本志新輯

鄭錫華

字鳴岐四川成都人義州知州

光緒間知義州事學問淵博勤政愛民秉性端嚴嗜酒人不敢干以私即素近侍者遇鄭公倦臥雖有事亦不敢稍為驚動惟對於士子頗鄭重凡聚星書院官課親自批閱生則超加獎六吊特加獎四吊等童則上加獎六吊中加獎四吊取均於應得膏火外各獎制錢六吊四吊不等士多感之後調任寬甸

舊名沙河子

縣日人邀宴沉醉回署熟睡侍人不敢呼喚

相傳飲日酒醉後或熟睡應喚起乃

解否則有性命之憂未知是否遂致殞命聞者皆惜焉

本志新輯

姜有筠

字竹菴直隸東光人義州學正

戊午經魁光緒十七年官義州儒學品端學粹教導有方升光祿寺署正未之任卒於邑學署歸櫬時士人多泣送而不忍舍云

本志新輯

潘增綬

義州學正

拔貢舉人光緒間司教義州秉性沉默言笑不苟敦品勵行以古聖賢相期許道貌岸

然一望而知為純粹儒者也官義數年後因丁艱告歸

本志新輯

高

欽 字仲森河南衛輝府汲縣人義州知州

光緒二十三年到任伊始即興文教凡有罰款撥歸書院整頓地面煞費經營二十五

年票匪四起親督隊撲滅二十六年拳匪初起人多信從惟公具有卓識捉匪十餘名

梟首示衆義故不受拳匪之擾秋間奉省將軍府尹部院翼長各大員等避俄逃奔惟

學院未離省萃聚義城公不抗不卑安置有法兵馬不下萬餘未嘗遭其凌虐俄隊到

城因棍徒轟斃俄官一名幾於憤事公感以義氣竭力護持合邑人民俱利賴焉二十

八年春去任泣送者數十里凡有餽送者概不收留南門外有去思碑

詳藝文志

南門上遺

有朝靴一雙 俗云清官所靴 今無 本志新輯

朱慶瀾

字子樵義州吏目

光緒間任邑少牧頗有聲常便衣私訪凡茶酒飯肆鄉村會場與平民混入探聽地方

各種情形有無賭風並棍徒無賴諸色人等以便拘捉地方為之肅清

本志新輯

馬俊顯

字績卿義州知州吉林人

光緒三十一年署義篆未及年餘立學堂辦錢法設巡警清訟獄當時屢登報紙洋溢

聲名後任蓋平新民府均有政聲云

本志新輯

汝作枚

字次皇陝西富平縣人義州知州

欽加四品銜賞戴花翎在任補用直隸州准補復州調署義州清名進士慷慨果斷政  
治有方清未季來宰斯邑下車伊始政值國家改組新改造基一切地方自治公力導  
倡任勞任怨無不克底於成迄今警學商農自治各人員遇有棘手事件每感念不己  
去之日紳商攀轅現農務試驗場立有德政碑

詳藝記本志  
文志新輯

奉恩

遼陽人字錫三義州學正

貢生宣統元年來司訓性情純篤學問淵宏時義立師範補習科聘為監學認真督課  
管理有方寓寬於嚴不刻而肅校風整飭實式賴之未幾學正缺裁旋里之日邑紳羣  
為餞送師範學生亦敬送於道左迄今補習科人士提叙猶想慕焉

本志新輯

右清宦績

共二十八名

附載清名宦事績涉及義州者二十人

鄂穆克圖

姓瓜爾佳隸鑲白旗滿洲蒙古都統

父多鼎太祖時來歸己亥年隨征哈達奮勇擊敵被創賚以白鏹尋授三等遊擊世職  
天命十一年擢置十六大臣之列天聰六年卒鄂穆克圖襲職仍任佐領隨征朝鮮



喀爾喀及大同等處並在行間有功又從征寧遠並圍義州俱以力戰被創攻保安奮

勇先登積功加一等參領世職崇德三年擢禮部參政六年復授蒙都統

乾隆盛京志國朝人物八

杜度

褚英第一子安平貝勒

天命六年二月從功明奉集堡有功封貝勒至崇德元年四月封安平貝勒四年九月

與阿濟格略明寧錦地五年六月築城屯田義州嗣聞明經略洪承疇率四總兵營於

杏山城外杜度偕諸貝勒掩殺至其城濠乃還仍伏兵於寧遠路截明運道獲其米千

石復偵知敵騎保松山馳迫之三戰三捷敵兵遁走六年八月太宗還盛京獨留杜度

圍錦州七年六月薨於軍賜祭葬雍正二年立碑墓道旌其功

節錄乾隆盛京志國朝人物三

武賴

信勇公費英東從子騎都尉世職

天聰四年略地大凌河俘獲甚衆八年任佐領九年擢都統崇德元年從武英郡王阿

濟格等證明抵遵化明兵自三屯營來拒盡殲之朝鮮之役從豫親王多鐸擊敗其援

兵復以雲梯攻城守陴者懾竄盡收其輜重牲畜以歸三年從貝勒兵託證明至山東

連下郡縣尋復破明大監馮永盛總兵侯拱極軍還師過董家口明兵沿山列營扼我

歸路邀劫我輜重連戰敗之乘勝略地克取其城二叙功授騎都尉世職五年從睿親

王多爾袞屯義州道出錦州刈其田禾明將以兵爭拒追擊至城濠遂進兵松山敗其

步卒七年從貝勒阿巴泰征明戰渾河敗其兵千餘明年旋軍至螺山明總督趙光汴合八鎮兵邀戰列火器而陣武賴與都統鰲拜奮勇突入斬其大將八鎮兵盡潰將出邊邊將以兵犯鑲藍旗擊卻之整軍以出順治元年從入關破流賊李自成屢加世職至二等輕車都尉七年進爵二等男以老致仕尋卒年六十有四賜諡康毅勒石紀功

子固德襲爵

乾隆盛京志  
國朝人物四

博

洛阿巴泰第三子  
多羅貝勒

天聰九年五月大軍由山西伐明博洛奉命從貝勒多鐸率兵駐寧遠錦州界以爲聲援且略地有功崇德元年封固山貝子二年四月命議政三年十月太宗親率大軍由義州伐明命從多鐸率護軍出寧遠錦州之間將過中後所猝遇明總兵祖大壽兵襲我師後護軍統領哈寧阿等且戰且退博洛麾兵擊却之五年五月隨濟爾哈朗等迎蒙古多羅特降人於五里臺擊敗錦州松山杏山兵師還賜良馬一六年八月太宗親征洪承疇於錦州明總兵八員來犯我前鋒軍從阿濟格逐之至塔山盡獲其筆架山積粟順治元年四月隨多爾袞入山海關破流賊十月晉封多羅貝勒八年三月命掌

戶部事九年三月薨諡曰定

節錄乾隆盛京  
志國朝人物三

豪

格

太宗第一子  
肅親王

生而英毅多智略從征蒙古諸部功最著授貝勒天命十一年四月隨大貝勒代善征蒙古五部有功天聰六年五月太宗征察哈爾遂伐明豪格從同濟爾哈朗略歸化城等處有功六月晉封和碩貝勒九年二月命與多爾袞岳託薩哈麟爲元帥統兵一萬往收察哈爾師至錫喇珠爾格遇察哈爾汗妃及台吉索諾穆等以千五百戶降遂抵託哩圖託哩圖者額哲所駐地也會天大霧乘其無備遣額哲母蘇泰太后之弟南楮等先往見額哲母諭以奉旨招撫意額哲母命額哲率衆迎諸貝勒入遂定盟次日率所部降額哲以吉玉璽獻文曰制命之寶元順帝奔應昌時所失後林丹汗得之者也師還略明山西邊郡敗其兵崇德元年四月晉封和碩肅親王五年六月同多爾袞等屯田義州順治五年卒十三年追諡武乾隆四十二年改號曰顯

節錄乾隆盛京志國朝人物二

覺 善 姓李佳隸正紅旗滿州副都統

初任佐領從太祖滅葉赫取瀋陽遼陽以功授騎都尉世職進參領崇德五年擢副統駐守義州六年戰松山杏山間八年從鄭親王濟爾哈朗攻寧遠克前屯衛有功順治元年從入關擊流賊李自成傷于礮猶力戰敗賊五年從討江西叛鎮金聲桓擊敗其步騎七萬明年破南昌聲桓中二矢溺水死遂圍叛鎮李成棟於信豐先登拔其城成棟亦溺水死師還贛州盡平新喻安福諸賊賜號巴圖魯先後遇恩詔並論戰功晉爵

二等男明年加封三等子十五年以老病致仕康熙三年卒年六十有六賜祭葬諡敏

勇勒碑墓道

節錄乾隆盛京志國朝人物七

沙爾瑚達

姓瓜爾佳隸鑲藍旗滿洲一等男

世居瑚爾哈太祖時從其父桂勒赫來歸天命十年從征瓦爾喀部以功授騎都尉世職天聰元年從攻錦州累戰皆捷三年大軍征明入紅山口拔遵化州抵北京沙爾瑚達敗其郭外兵嗣數率遊騎入明邊往來錦州松山杏山之間俘獲甚多八年太宗遣大臣略地至錦州且書遣大壽恐不能達召沙爾瑚達授以方略令襲取守烽墩卒付之勅書如無所獲即懸於十三站山坡沙爾瑚達輕騎往未遇敵懸書而歸九年征黑龍江部及赴錦州偵軍事還皆獻俘獲崇德元年從征朝鮮敗敵於南漢山城三年以兵獲我往土默特貿易之衆於歸化城敗明兵於紅山口四年率前鋒兵趨義州入寧遠北界設伏誘敵擒其樵採者以歸七年討瑚爾哈部招降喀爾喀木等十屯俘獲無算奏捷受上賞順治元年征庫爾喀部及黑龍江多斬馘復追擊流賊李自成於潼關六年剿平河間流寇加世職三等男累遇恩詔加至一等男十六年卒於鎮追贈太子

太保諡襄壯立碑如例子巴海襲

節錄乾隆盛京志國朝人物十一

趙國祚

鑲紅旗漢軍起為江西提督



父一鶴太祖時來歸天聰八年授三等輕車都尉世職國祚其次子也崇德四年以佐領屯田義州八年偕護軍統領阿爾津征黑龍江師還得恩賚從鄭親王濟爾哈朗攻克前屯衛中後所二城順治元年授雲騎尉世職尋陞參領從豫親王多鐸南征取揚州從貝勒博洛移師定浙江師還克江陰晉騎都尉八年授戶部理事官擢副都統再擢都統屢遇恩詔晉世職至二等輕車都尉十二年授平南將軍駐防浙江十五年任浙江總督十八年遷山東總督再遷山西康熙元年罷還京十三年逆藩吳三桂反起爲江西提督駐九江以遏賊衝十五年從安親王岳樂進兵湖南駐長沙屢戰却三桂兵十八年南抵寶慶破賊紫陽河再破其將吳國貴兵二萬于雙井堡國貴中砲死蹙其潰衆于武岡州復州城前國祚以力戰被創尋創發乞休乃還京二十七年卒年八十賜祭葬諡敏壯

節錄乾隆盛京志國朝人物十五

楊古利

姓舒穆祿隸正黃旗滿洲

父郎柱爲庫爾喀部長倡其部人翊戴清太祖遣楊古利入侍尋郎柱爲部人所害其妻挈幼子來歸及庫爾喀舉部內屬楊古利偵其部人之殺父者手刃之時年甫十四太祖深異之日見信任乃尙主焉所戰立功天聰三年從征明薄燕京城敗明武經略滿桂軍于城北師還略通州火其船再敗其兵于薊州四年畧錦州義州七年畧山海

關具有斬馘八年晉超品一等公世襲罔替

節錄乾隆盛京志國朝人物五

索歡 姓瓜爾佳隸鑲白旗滿洲

初任佐領兼前鋒參領崇德三年偵事義州擒明游徼兵八名歸四年從征錦州分兵

畧杏山獲牲畜無算其後屢建奇功晉世職至一等輕車都尉吏部侍郎擢都統康熙

元年間因勦海賊鄭成功師次廈門以不習水戰罷任奪世職尋卒

節錄乾隆盛京志國朝人物八

扈彌碩 粵羅廂白旗滿洲佐領世職

姓伊爾根覺羅初隨太祖往遼東開原即有功及崇德時從攻大凌河杏山松山錦州

義州歷著戰績順治元年隨入關追流賊至慶都敗之二年叙功授佐領世職嗣三遇

恩詔加二等輕車都尉一等輕車都尉康熙四年加兼一雲騎尉

節錄乾隆盛京志國朝人物八

錫爾度 廂白旗滿洲佐領世職

姓寧古塔天聰三年擊賊於蘆道有功是年隨征明至燕京遇滿桂黑雲龍等四總兵

來援力戰有功授世職為佐領尋擢參領又從征錦州義州遵化並在行間陷陣衝鋒

凡六被創崇德七年復從征錦州以病卒於軍

節錄乾隆盛京志國朝人物八

翁愛 廂黃旗蒙古佐領

姓卓爾古特世居科爾喀太宗時來歸隸廂黃旗蒙古授佐領崇德二年偕佐領沁凱

舒書等征瓦爾喀俘獲甚衆四年率所屬分屯義州耕種所獲糧獨多七年從貝勒阿  
巴泰征明越燕京至山東攻莒州城先登順治元年大軍入關討流賊翁愛以署副都  
統督後隊兵尋勦賊將陳永福于太原所戰皆捷先後叙功並兩遇恩詔晉一等輕車

都尉九年擢副都統十五年卒賜祭葬如例弟特澤襲節錄乾隆盛京志  
國朝人物十二

伊勒都齊正黃旗蒙古  
護軍參領

姓莽努特世居察哈爾太宗時來歸隸正黃旗蒙古尋授護軍叅領天聰八年略地宣

府率所部攻下十二堡崇德五年屯田義州敗明騎兵于寧遠六年從圍錦州偕護軍

統領濟什哈擊却松山援兵叙功授雲騎尉世職康熙十七年卒於軍節錄乾隆盛京志  
國朝人物十二

昂廂黃旗  
滿洲錦

隸鑲黃旗滿洲天聰八年隨征大同攻三家莊城先登有功崇德元年同征瓦爾喀部

落多俘獲尋管義州官田獲糧甚多後攻潼關有賊自山上來犯奮力迎擊中箭陣亡

三年贈佐領

勞翰正藍旗滿洲  
贈騎都尉

姓他塔拉隸正藍旗滿洲在行間十四年大小五十餘戰攻拔數十城皆獲全勝天聰

元年圍義州久不下值夜雲密布城上闐寂無聲勞翰乃潛迹緣城將登敵伏發矢如

兩下重創而死贈騎都尉

乾隆盛京志忠節四

岳

託 太祖孫禮親王代善子也台吉

太祖高皇帝孫禮親王代善第一子也有謀勇授台吉天聰五年七月攻明大凌河太

宗親統大軍自白土場趨廣寧岳託率兵二萬別由義州進八月會大軍於大凌河圍

其城祖大壽請降以其子可法質見諸貝勒時岳託反覆開導之揖可法乘馬去大壽

遂以城降

乾隆盛京志國朝人物二

多

鐸 太祖第五子貝勒

太祖高皇帝第十五子也初授貝勒崇德五年三月奉命為左翼總統與濟爾哈朗往

修義州城駐防屯田六年三月代多爾袞圍錦州松山繞錦州城立營浚壕為久駐計

既爾接戰聲聞關外多鐸與濟爾哈朗至城下援之關內蒙古縋援兵入與明兵戰於

城上明兵敗大軍遂入關徙其民義州捷奏至太宗大悅

乾隆盛京志國朝人物二

文

祥 字博川瓜爾佳氏盛京滿洲正紅旗人武英殿大學士諡文忠

同治四年東北一帶馬賊肆行劫獄戕官之案層見迭出清穆宗簡命文大學士祥統

領勁旅出關行至途次聞省垣有劫獄之案遂不分晝夜兼程前進厥後簡軍出討破

賊於昌圖之朝陽坡一戰覆其衆隨勦逸匪於牛莊海城岫巖新民廣寧義州等處招



復裹脅資遣回籍全活甚衆兵行所至尤能秋毫無犯所有被擾處所請旨分別蠲免

正賦以紓民力我義與焉光緒二年署將軍兼總督岐元府尹行巡撫事恩福府丞兼學政楊書香原摺並詳盛京典制備考卷二三賢祠

周 冕字少逸浙江嘉善人欽加三品銜賞戴花翎湖南候補知府辦理東征轉運局駐錦總辦

光緒二十一年二三月間牛海失利義州戒嚴東來敗軍咸趨西北勾結土匪竄擾沿邊公適幫辦前敵營務處駐錦聞警抵義周覽巖疆擇隊扼要豫防嚴辦土豪擒斬匪首嗣將滋事害民之勇裁撤二營無敢譁者豫防也當公之初至義也護勇無多一日向他營借兵五十名飭令巡夜密戒之曰此城西北東南尤宜加慎是夜果於西北缺處獲賊二名正傳報聞南街遽火公率邏卒撲滅幸無他變以是邑人多謂公諳遁甲術實則至誠前知無事推測也解嚴返錦事載光緒二十二年駐錦周少逸觀察義賑

碑記王慶陞撰文錦縣志藝文上

右附載清名宦事績共二十名

民國

裴煥星字聚五法庫人義縣知事

清宣統己酉拔貢民國十二年春由東豐調署是邦甫接篆會聚士紳各界首先提前八事為進行之急務又謀監獄改良籌款建築煥然一新嗣因署內一切房間坍塌破

漏實難容居遂籌的款呈請上峰估價建築自照壁以迄內宅都從新改建詳藝文志碑志復邀

同士紳各界籌修河隄並繕葺文廟及奎星樓事皆大半而功未竟旋調遷遼陽去之

日紳商士庶恭送永清門外餞行且尾送至車站有不忍離舍之情狀其脾匾旗傘絡

繹於道頗極一時之盛云本志新輯

### 附重修縣署序

光復後癸亥春星來長斯邑下車伊始睹監獄之改良也縣署之半頽圯也怒然憂之

意欲重修祇以需款甚鉅有志未逮攷盛京通志縣城設治係前清雍正十二年十三

年建大堂二堂三堂各三間東西廂房各三間內宅住房六間後房八間班房二間儀

門大門各三間土地祠一間庫一間監獄三間乾隆四十三年重修星霜百數十易迨

宣統元年知州汝作枚曾仍其舊一為塗飾而百廢尙多待舉公餘之暇爰集士紳募就的款

呈准 列憲民國十二年五月興工舉舊式監獄改絃而更張之計修磚瓦房十二間

磚平房十六間內設工廠分石印縫紉織襪製鞋四科共需小洋七千元有奇秋九月

工竣蒙高等檢察廳驗收甚嘉獎之且擬作分監云越明年黃羊餘孽若殿池金鳳玉

龍穴龍寶龍臥龍等山均以邪教蠢動潛滋正擬查究間旋奉省令查封沒其房產除

撥給警甲學校區村公用外所餘令警所變價得小洋一萬四千四百餘元重修縣署

之議遂決呈明 省長併核准將沒收柳百川房間一併拆毀乙丑經始市材董以士紳鳩工出之投標建設行政司法兩公署付磚瓦房四十八間帶廊平房十六間磚平房二十四間築丈二石牆一百零九丈七尺墻五十五丈地基連監獄在內前院南北長十八丈五尺東西寬十七丈四尺後院南北長三十二丈五尺東西寬十八丈九尺共面積九千三百六十一方尺餘統儒小洋二萬九千一百餘元變價所得不敷而又多方籌募以益之自春迄秋工將告竣而調任遼陽鄉繼任斯缺正擬籌款以竟全工旋奉財政廳訓令其不足之款准由公所得利息項下支銷爰將所遺零星工程監督而完成之因以爲序

民國十四年九月

日

調任遼陽縣知事袁煥星  
新任義縣知事齊鄉并序

右民國宦績共一名

注列開市...

貞圖十四...

卷之五...

其本初如...

志式經...

其圖...

其十八...

其二十...

其...

義縣志中卷之五官績志終